

عرب و عدله

۱۱ رجب ۱۳۲۸ بازار ایرتسی ۵ تموز ۱۳۲۶

نومرو ۱۵

برنجی سنه

قائم مقام

نوبهات عدله

اشقودره ولایتی استیناف مدعی عمومیلکنه طرابلس غرب ولایتی استیناف مدعی عمومیلکنندن
مستعفی نجیب افندینک ، یوزخاد سنجاغی بدایت محکمه سی جزا دائره سی ریاسته قره حصار شرقی سنجاغی
بدایت محکمه سی مدعی عمومی ماوئی ماجد اندینک تعینلری خصوصنه اراده سنیه حضرت پادشاهی
شرفتعلق بیورلش ومومی الیها ذاناً محلف بولمشدر .

تلیفات عمریه

عدلیه نظارت جایله سندن تسطیر بیوریلان ۱۴ حزیران سنه ۳۲۶ تاریخلی تحریرات عمومییه صورتیدر :

« مدعی عمومیلرله معاونلرینک ماهیت دعوائی بالاطراف تشریح ومدافعه وکیللرینه

قارشو واقفانه ومدققانه اداره کلام ایتملی لزومنه دائر »

حقوق عمومییه نامنه اقامه دعوی ایله نتایج قانونیه سنی تعقیب وعلی الاطلاق احکام قانونیه نك تمامی تطبیقی



تأمين وظائفه مكلف بولسان مدعى عموميله معاونان رندن اکثرينك محاکات جاريه مواجهه سنده بوضع لاقيدي الارق دعاوى واقعه نك منشاء وماهيتى شريحن وجرمك صور ثبوتيه سيله اوصاف قانونيه سنى تعيينه مدار اوله جق نقاط مهمه ي توضيحن غفات ايتكده اولدقلى كى مدافعه وكيلى رينك مدافعتنه قارشى تنقيد و مناقشه دن دخى صرف نظرله اختيار واعتياد سكوت ايلدكلى تنقيشات واقعه نتيجه سنده عدليه مفتشكندن ويريلان راپور مندرجاتندن اكلاشله مقده در . هيأت حاكمه نك اثنائى محاكمه ده بعض جهات مهمه ي تحقيق وتديقندن ذهوللى احتمالنه قارشى مدعى عموميلك اوصرده بيانات وافادات قانونيه سى انضمام ايتديكى حاده عندالذا كره هيأت حاكمه حل اولغامش بر طاقم مسائل مواجهه سنده قالدق بونلك حل وتديق ايجون محاكمه نك يكيدن كسادينه اكثريا امكان قانونى بولنه مامى وياخود اثنائى محاكمه ده كى اشبو ذهولك مذا كره صره سنده دخى نظر دقتى جلب ايدمه مامى كى احواله بناء اعطا اولنوب سلامت واصابت قانونيه سنى بوضو رتله تمامى تأمينى ممكن اوله ميان حكميلك مافوق محكمه دن فسخ ونقض اوله دق ترهيا الامثال سرعت تطبيق وانفاذى اقتضاى حال ومصالحندن بولنان احكام جزائيه نك تاخراته دوچار اولدجنى طيعيدر وكيلى رندن بعضينك جريان تحقيقات ومحاکات مخالف بر طاقم مدافعات واهيه ي بردستور قانونى شكنده سرد واره ايتلى حسييله افادات ومدافعات واقعه نك قيمت وماهيت قانونيه سى دلائل نظريه ايله ايضاح ايدلمديكى تقديرده ايسه او كى مدافعاتك تاثير طيعيسيله متحس ومشروع الافكار اوله دق مذا كره باشلامق مجبورينده قالان هيأت حاكمه نك حس تقديرى آز چوق اوتاثيراته تبعيتدن آزاده بولنه ميه جنى دركاردر واقعا اوصاف لازمه يي حائز حكام ايجون بوقيل مدافعاتك تاثيرى وارد اولمسه بيله منصوب ومنتخب بالعموم حكم عدليه نك عمومى اوله دق متانت قانونيه لرى ادعا ارنه ميه جغه كوره هيأت حاكمه مياننده مدافعات واقعه يه اماله افكار ايدم جلكرك وجودى ده مستبعد دكلدر شوتقدير جره طرفينك ادعا ومدافعاتيله اوراق موجوده مندرجاتنه بنائى تدقيقات ايدن هيأت حاكمه دعواك تفصيل ماهياتى مدعى عمومينك مطالعاتندن زياده وكيلى رينك مدافعاتنده كوردكلى ومدعيات ومدافعات آره سنده بالمناقشه تقرر ايتش بر موازنه قانونيه بولمادقلى حاده حق تقديرلى حسن استعمالده دوچار تردد اوله جقلى كى هيأت حاكمه نك نتيجه تدقيقات وحكمى محاكمه جريان ظاهر يسندن وصورت ادعا ومدافعه دن استدلاله چالیشان سامعنه دخى مدعى عمومينك مناقشات قانونيه سندن وارسته قالان مدافعات مسروده ي قانون ونفس الامر موافق ظن ايدرك اودا كره بر حكم صدورينه انتظار ايدم جلكرندن لاحق اولان حكمك شوتخمين وانتظاره عدم توافقي حالنده كنديلرنجه هيأت حاكمه حقه ده سوء ظن حاصل اوله جنى شبهه سزدر احوال مبسوطيه نظراً مدعى عموميله معاونلينك كرك تشریح دعوى وكرك درميان ايديلان مدافعاته قارشى جواب ويرمك صورتيله تنوير مدعا خصوصلرنده اهلكارانه طاورنامقندن بالتوقى اويله يالكنز « قانونك فلان ماده سى احكامنه توفيقاً تعيين جزائى طاب اولنور » كى اسباب موجب قانونيه دن عارى سوزلرله اكثفا

ايتيرك هرايشك ماهيت واهيتته كوره لى الايجاب اولجه لايى وجهله اوراقى ده بالمطالعه حاضر لاندقندن صكره ماهيت دعوايى بالاطراف تشرح ومدافعه وكيلى رينه قارشى واقفانه ومدققانه اداره كلام ايتلى والاصل وظائف مهمه لى بروقوف وتبع جدى يه مستند ادراك وتيقظ تام دائره سنده بحق ايفا ايتلى متحتم ذمت اولمسيه تأمين عدالت قضيه معتاباسنك متوقف اولدينى شو نقاط ونكلك وجوب واهيتيله متناسب برصورت وظيفه پرورانه ده نظر دقت واعتنا ده بولنديرسى واشبو تحريرات عموميه نك ايجاب ايدلرله تعمياً تبليغى توصيه اولنور .

عدليه نظارت جليله سندن تسطير بيوريان ۲۲ حزيران ۳۲۶ تاريخلى تحريرات عموميه صورتيدر :

« تصحيح سن حقه ده كى تدقيقاته عدليه ج كسب وقوف ايدلك لازم كلدكى

تقديرده مقام ولايته بالمراجع اخذ معلومات ايدلمسه دائر »

تصحيح معاملاتنده مجلس اداره لرجه اجرائى لازم كان تدقيقات وتحقيقات متضمن شوراى دولت ملكيه دائره سندن تنظيم اولنان ۲۳ نيسان سنه ۳۲۶ و ۲۰ ميس ۳۲۶ تاريخلى مضبطه لرك صورتلرى داخليله نظارت جليله سندن تعمياً ولاياته تبليغ قلنمش اولغمله جهت ملكيه عائد اولان تدقيقات مذكوره يه عدليه ج كسب وقوف ايدلك لازم كلدكى تقديرده مقام ولايته بالمراجع اخذ معلومات ايدلمسى توصيه اولنور اقدام .

عدليه نظارت جليله سندن تسطير بيوريان ۱۴ حزيران سنه ۳۲۶ تاريخلى تحريرات عموميه صورتيدر :

« اذميدك ايزميت طرزنده تحريرى لزومه دائر »

اذميدك بعضاً سهو قلم اثرى اوله دق از مير طرزنده تحريرو اولمسنندن دولاي اورايه كوندريله جك محبرات از مير ارسال اولغمقده وبو ايسه معاملاتجه تاخراتى وعلاقه دارانجه مشكلاتى موجب اولقده بولمسنه بناء بعدازين اذميدك « ايزميت » طرزنده تحريرى شوراى دولته تقرر ايتش اولدينى بيانيله اجراى ايجابى باتد كره ساميه تبليغ بيورلش اولغمله بيان كيفيت اولنور اقدام .

عدليه نظارت جليله سندن تسطير بيوريان ۳۱ كانون اول ۳۲۵ تاريخلى تحريرات عموميه صورتيدر .

« ژاندارم لره عائد وظائف عدليه نك صورت ايفاسنه دائر »

ولاينجه مأمورين ملكيه طرفندن ژاندارمه ضابطانه ويريلان اوامر ك عدم انفاذ وتطبيقندن طولاي طرفين آره سنده اختلاف تحدى خبر آندىغندن وروم ايليدده وقتيله ژاندارمه تنسيقانه مباشرت اولندينى صرده بو مثللو اختلافات ظهوريله امور انضباطيه ومصالح سائر نك سكتهدار اولدينى كورلمسى اوزرينه

طرفينك حقوق ووظائف قانونيه سنى ايضاحاً يازلمش اولان محررات عموميه صورتلرينك كوندرليكندن بحث ايله ژاندارمه دائره سندن ده بر مأمور جليليه محررات مذكوره تدقيق ايديلهرك آكا كوره لازم كنلره تبليغات اجراسى باتذكرة ساميه ازبار بيورلمسنة بناءً ژاندارمه دائره سندن جاب اولنان ذات حضوريله تدقيق ايديلان محررات مذكوردن اقتباساً مأمورين ملكيه ايله ژاندارمه ضابطانك حقوق ووظائف متقابله سنى حاوى قلمه آلنان تحريرات عموميه نك تعميماً ولايات والويه مستقله اسرا و بالعموم ژاندارمه قوماندانلريله دوائر تنسيقيه رياستلرينه عين صورته تبليغات اجراسى خصوصى دخى حرييه نظارتنه انبا قلندينى ومع مافيه ژاندارمه نك مأمورين ودوائر عدليه ايله اولان مناسباتى ووظائف عدليه نك صور اجرائيه سى حقتده اولجه مفتش عموميك مقامندن ولايات ثابته عدليه مفتشكليه يازلمش اولان وصورتي سالف الذكر محررات عموميه مياننده بولسانان تحريزنده محرر بولندينى اوزره بو خصوصده دخى ژاندارمه نظامنامه نك فصول و مواد مخصوصه سى احكامنه رعايت ايديلهرك ژاندارمه نظامنامه دن خارج بروظيفه وخدمت تحصيل اولنماسنه و محاكم شرعيه و نظاميه و تجاريه ده رؤيت ايدلكده بولسانان دعاوى حقوقيه يه متعلق دعوتيه ورقه ليله اعلامات واوراق ساثره حقوقيه محاكم مذكوره مباشرلى معرفتيله تبليغ ايتديريلوب قوه ضابطه نك حقوق ايشاريله اشغال ايدلنماسنه و محاكم جزائيه ايله دوائر استنطاقيه دن اصدار اولنه جق جلب واحضار وموقت وغير موقت توقيف مذكوره لرينك بر موجب نظامنامه كلكان ژاندارمه معرفتيله تبليغ وتنفيذى طبيعى ايسه ده اوراق مذكوره نك تبليغ وافتادنده انتظام واطراده اعتنايله تأخراته وقوه ضابطه جه مشاغل زانديه محل براقلماسى لزومنه نظرآده جلب واحضار اولنان كسان محكمه نك بولندينى قضا داخنده ايسه اوراق عدليه نك اوقضا ژاندارمه قومانداننه توديع ايدلمسنة و ذكر اولنان اوراق جزائيه ژاندارمه قوماندانلى طرفندن ايجاب ايدن قره غوللرده كى پوسته قوماندانلرينه ارسال ايديلهرك انلر معرفتيله تبليغ وتنفيذ ايتديرلك واوراق هر محله وصوليله انفاذى نه قدر مدته متوقف بولندينى ژاندارمه قوماندانلى طرفندن محمللى مأمورين عدليه سسنة اخبار اولنق مقتضى بولندينى جهته قوماندانلر طرفندن و بريله جك معلوماتك نظر دفته اخذيله اوراق مذكوره نك آكا كوره تنظيم وضابطه يه توديعنه و محاكم عدليه يه توديع قلمق اوزره ژاندارمه يه تسليم اولنه جق اشخاص احوال مهمه وفوق العاده دن ماعدا زمانلرده ژاندارمه قره غوللارنده كى دوريله طرفندن يكديكرينه دور وتسليم اولنق صورتيه ايصال وبوبابده ده ژاندارمه قوماندانلى طرفندن تعيين ايام واوقات ايديلهرك مأمورين عدليه يه معلومات اعطا اولنه جفندن اشبو قاعده نك حسن تطبيقه سوق ايصال كيفيتي تأخرندن وقايه اولنه بيلمك ايجون جلب وسوق امرلرينك ژاندارمه يه وقييله اعطاسنه مبادياً دقت اولنسى لزومك مأمورين عدليه يه تبليغى موافق مصلحت اوله جنى مطالبه سيله اجراى ايجابى داخيله نظارت جايلاه سندن باتذكرة اشعار ايدلمش اولغله اولوجهله ايفاي معامله يه دقت واعتنا ايدلمسى توصيه اولنور

عدليه نظارت جايلاه سندن تـ طـ ير بيوريلان ۲۸ مارت ۳۲۶ تاريخلى تحريرات عموميه صورتيدر :

« فضاحت لسانيه مظلونى حقلرنده كى تحقيقات ومحاكمته وشهودك استماع وتذكيه لرنده محاكمك فوق العاده التزام دقت وبصيرت ايتلى لزومنه دائر »

بعض محاكمجه فضاحت لسانيه متجاسرى حقلرنده اجرا قيلنان تحقيقات ومحاكمته جرمك درجه اهميتيله متناسب تحقيقات مكمله وموشكافانه اجرا وصدق وكذبه محتمل كوريلان اخبارات واقعه حقتده تدقيقات مقتضيه ايفا ايدلكسرين شخص مظلونك توقيفي جهته كيدلكده اولدينى بوبابده توالى ايدن شكلياتدن وورود ايتلكده اولان اوراق تحقيقيه اوزرينه اجرا ايديله كلكده اولان تبعاتدن نمايان اولمقده وكرچه نقصانى تحقيقات اوزرينه توقيف ايدلمش اولان بو قيل اشخاصك همان تخليه لرى اسبابنه تشبث صورتيه مغدوريتلرينك تحديدينه دقت واعتنا ايدلكده بولنش ايسه ده اوراق تحقيقيه سـ نـ ك نظارته ورودييه تدقيقات لازمه نك اجراسنه دكين اولسون هيچ بر شخصك اسنادات كاذبيه هدف اوله رق ولوجزنى بر زمان ايجون حریت شخصيه سندن محروميته مغدوريتنه ميدان ویرللمسى ايجون بعدازين فضاحت لسانيه مظلونى حقلرنده كى تحقيقات ومحاكمته وشهودك استماع وتذكيه لرنده محاكمك فوق العاده التزام دقت وبصيرت ايتلى لزومك تعميماً تبليغى امور جزائيه ميريت بهيه سندن افاده قيلنمش اولغله دائره مأموريتكز داخنده بولنان بالجه محاكم جزائيه رؤساسة اولوجهله تبليغات ايفاسى سياقنده

عدليه نظارت جايلاه سندن تـ طـ ير بيوريلان ۲۱ كانون ثانى سنه ۳۲۵ تاريخلى تحريرات عموميه صورتيدر :

« مأمورين حكومتك غزته لرله رسائل موقوتده دولك مسائل سياسيه واداريه سى حقتده مقالات نشر ايتلمرينه دائر »

مأمورين حكومتك غزته لرله رسائل موقوتده دولك مسائل سياسيه واداريه سى حقتده مقالات نشر ايتلى قطعياً غير جائز وخدمت حكومتده بولنانلرك بو اساس خلافده حركت ايدلكلى تقديرده حقلرنده معامله لازمه نك اجرا اولنه جنى دركار بولنديفندن ايجاب ايدنلره آكا كوره تبليغات وتبنيات ايفاسى تعميماً دوائر مركزيه ييلديرلديكى بيانيله اجراى ايجابى باتذكرة ساميه ازبار بيورلمش اولغله تبليغ كيفيت اولنور

محكمة تميز

محكمة تميز هیئت عمومی سندن صادر اولان ۱۵ نisan ۳۲۶ تاریخی و ۲۷۴۰ نومرولی اعلام صورتیدر :

• اقرار و سنده مستند اولیان مواضعه دعوالرینک استماع اولماسی احکام اراده سینه دن بولنش اولدینی مسموع اولیان دواده بین دخی لازم کلدیکی جهته مواضعه دعواسنک ردینه قرار ویرلسی لازم کلورکن دعوی مواضعه ایچون بین تکلیف اولنسنک واشبو یمیندن نکولک اسباب حکمدن عد اولنسی مستلزم نقضدر

طربزونده مقیم متوفی علی زاده حاجی احمد و برادری حاجی محمود افندیلر ورثه لری شکری و حمدی و صبری و حق و ذهنی و حاجی عثمان و جمال افندیلرله در سعادتده سلیمانیه کاتب شمس الدین محله سنده اون نومرولی حانده ساکنه متوفی تمل افندی زوجه سی و ایتمانک و صیسی فاطمه هدیه خاتم بینلرنده متکون دعوانه دائر در سعادت استیناف محکمه سی حقوق قسمندن ۱۴ شباط سنه ۳۲۵ تاریخی و یوز طقسان درت عددی ایله ویریلان اعلام ورثه مومی الیهم شکری افندی ورفقاسی طرفلردن مدت قانونیه سی طرفده تميز اولنمغه باش مدعی عمومیلک مأوریتنک مطالعه نامه سی الندقدن و اعلام مذکور بالتدقیق قرار سابق استینافیده ثبات واصراری متضمن اولدینی هیئت عمومی هه اتفاقه قرار گیر اولدقدن صکره طرفینک اعتراض و جواب لایحه لریله بالمطالعه تدقیقات تمیزیه اجرا سنه ابتدار اولندی .

اعلام مذکورک خلاصه مندرجاتی وصی مزبورده فاطمه هدیه خاتمک دانا باش زاده متوفی احمد افندیکنک ظاهراً تحت تصرفنده اولوب حقیقتده وصی بولندیخی مرقوم تمل افندی ورثه صغارینک عهده تصرفلرنده بولنان سرکه جیده خواجه پاشاده سردار تیمور قپو جاده سنده کائن معلوم الحدود بر باب کورچی مغازه سی و فوقنده بکار اوطله لریخی مشتمل بر باب قهوه خانه یی تملی زاده لر متوفای مومی الیها حاجی احمد و حاجی محمود افندیلردن وقتیه اخذ واستقراض ایتدیکی یدی یوز الی ایرا مقابله ظاهرده قطعی و حقیقتده رهن اولق اوزره مومی الیها حاجی احمد و حاجی محمود افندیلر اعطا و تسامیم ایتکله رهن مذکورک رد و اعاده فراخی اجرا قلنه جغی صروده مرتهنلرک وقوع وفاته مبنی معامله اولدجه قلمش اولدینی و مذکور عقارات اولوجهله مواضعه مرتهنلرک عهده لرنده بولندیخی دفترلرنده مقید اولدینی کبی ورثه لرینک دخی معلومی اولدیغندن و بدل ایجارک ورثه صغار طرفندن اخذ ایدلمکده ایدوکنندن بجه تملی زاده لر و دانا باش زاده ورثه لرینک جلبلریله مذکور عقاراتک بلا بدل ورثه صغار ناملرینه اعاده فراخی خصوصنک و یاخود بوبابده تین ایده جک بالجه مطلوباتک تحت حکمه التمسی در سعادت محکمه سی ایکنجی حقوق دائره سنده طاب و دعوی و لاجل المحاکمه

وقوع بولان دعوته ورثه مومی الیهمدن حاجی عثمان و جمال و حمدی و صبری افندیلرله رهن ورثه سی مصطفی و محمد جان و دیگر مصطفی افندیلرک اجابت ایتاملری اوزرینه محافظه حقوقلری ضمننده وکیل مسخر تعیین قندقدن و حاضر بالمجلس اولان تحسین پاشا و شکری و ذهنی افندیلر دعوی واقعنک اصل و اساسی اولمامغه برابر معامله واقعه ده مستقرض احمد افندی اولدینی کبی وفاء فارغ دخی ینه احمد افندی اولسی ایله تصحیح قید دعوی اکا عائد بولنسنه و دعوی حاضرده مواضعه دعوی اولسنه بو کبی مواضعه دعوالرینک استماع سند ابرازینه متوقف اولوب سندسز مواضعه دعوی مسموع اولماسنه نظراً دعوی واقعنک ردی لازم کله جکینی و عقارات مذکورده اجاراتنک ورثه صغاره ویرلدیکنه و عقارات مذکورنک مواضعه عهده لرنده اولدیغنه دائر مورثرلرینک دفترلرنده برکونا قید اولمادیغنی و بدل ویرلدیکندن فراغک اجرا قلنه مادیغنی مدافعه بیان و مدعیه ده مواضعه دعواسیله بدل فراغک اعطا ایدلدیکینی اثباتدن عاجز اولوب هرایکی خصوصده طالب تحایف اولدینی در میان ایتلری اوزرینه جریان ایدن محاکمه و تدقیقات نتیجه سنده مدعیه نک بوجه محرر مواضعه و اعاده بدل فراغ دعواسنه قارشو مدعی علیهم دخی سندسز مواضعه دعوی مسموع اولمادیغنی و مورثرلرینک دفترلرنده مواضعیه دائر قید بولندیغنی و بدل فراغی مورثرلرینک اخذ و تسامیملریخی انکار و بین توجه ایتیه جکینی تذکار ایدیورلر ایسه ده دستورک اوچنجی جلندن مندرج ۵ مارت سنه ۸۶ تاریخی بیورلدی سامیده مواضعه دعوالرینک سند و یا اقراره مستند اولسی لزومی کوسترلمکده اولسنه و دعوی واقعده مدعی علیهمک دفترلرنده مواضعیه دائر اقراره دلالت ایدن قید بولندیغنی ادعا اولنهرق اشبو قید انکار ایدلمکده بولنسنه و مدعیه قیدک وجودینی اثباتدن اظهار عجز ایتسنه بناء مدعی علیهمک دفترلرنده مواضعیه دلالت ایدر بر قید بولندیغنه دائر مدعیه نک تکلیفنه حق و صلاحیتی اولدیغنه دائر اتخاذ اولنان قرار وجهله مذکور یعنی مدعی علیهمک قبول و اجرا ایتدکلی کبی مدعیه نک بدل فراغک اعاده ایدلمش اولدینی یولنده کبی ادعای حقه ده تکلیف ایتدیکی یمیندن دخی مدعی علیهمک نکول ایتلرینه مبنی عقارات مذکورنک مواضعه عهده لرنده مقید اولدینی و بدل فراغک دخی اعاده ایدلدیکی اکلشلمش اولدیغندن تحسین پاشا و شکری و ذهنی افندیلرک حضوراً یمیندن نکوللرینه بناء و دیگر مدعی علیهمک عندالاعتراض یمیندن نکوللرینه تعلیقاً عقارات مذکورنک بلا بدل صغار مومی الیهم ناملرینه اعاده فراغه مجبور طوتلرینه دائر ویریلان اعلامک عندالاستیناف تصدیق یولنده اتخاذ قلنان قرار محکمه تميز حقوق دائره سنجه بو کبی مواضعه دعوالرینک مسموعیتی اقرار و یا سنده مستند اولسی و اقرار و سنده مستند اولیان مواضعه دعوالرینک استماع اولنماسی احکام اراده سینه دن بولندیغنه و دعوی واقعنک نه اقرار و نه ده سند اولمادیغنی جهته مسموع اولمایه جغی کبی یمین دخی لازم کله جکینه مبنی مواضعه دعواسنک ردینه قرار ویرلسی و دعوانک بدل اوله رق ویریلان یدی یوز الی ایرانک استردادی جهته حصر اولنهرق بونک اثبات و بین ایله حل ایدلسی لازم کلور ایکن با اراده سینه ممنوع اولان دعوی مواضعه ایچون یمین تکلیف اولنسی واشبو

يمنين نكولك اسباب حكمدين عد ايدلسى جهاتندن ناشى نقضيه اعاده قلمسى اوزرينه قسم مذ كورجه بتكرار جريان ايدن محاكمه و تدقيقات نتیجه سنده تمیز قرارنده استناد اولنان بیورلدیده منازع فیه عقارک عهده سنده مواضعه بواندینک یعنی نامنک مستعار اولدینک مفروغ لهک اقرار ویا سندیه اثبات ایتدیرلمسی محرر اولوب اولوجهله اقرار ویا سندیه اثبات اولنه میان مواضعه دعوالرینک استماع اولنماسنه دائر مذکور بیورلدیده صراحت کافیه مندرج بولنماش اولسنه نظراً دعوی مذکوردهنک بر موجب احکام مجله لزوم استماعی طبعی ایدوکنه و مستأنف علیها طرفندن مستأنفلهک مورثلری متوفی حاجی احمد و محمود افندیلرک اقرار بالکتابه دن معدود اولان دفتری قیدینه استناداً مواضعه درمیان ایدلکده اولوب دفاتر مذکوردهنک عدم ابرازی حالنده مستأنفله بین تکلیفی حکم قانون اقتضاسندن بولدیغنه و مستأنف علیهاک بدل فراغک اعاده ایدلماش اولدینی حقنده تکلیف ایدلکی یمنین مستأنفلهک نکل ایتش اولدقلمی ده اعلام ابتدائی مندرجاتیه مثبت ایدوکنه منی حکم سابق استینافی علل و اسباب موجب قانونیه مستند اولدینندن ثبات و اصرار اولنسنه حکمدن و مستدعی تمیز نملی زاده ورثه سنک اشبو حکم علیهنده لایحه لرده محرر اعتراضلرینک خلاصه سی دعوی واقع غیر منقول عقاره متعلق اولدینی جهتهله حدود و سنورینک و جنس عقبارک بیان ایدلماش و عقار مذکورک توسیع انتقالو اوقافدن اولسی جسیله اولا دانا باش زاده احمد افندی نامنه مواضعه وثائیه مورثلری نامنه مواضعه اولدینک بیان ایدلسی و بیولده مواضعه دائر بر کونا سنند ابراز و اعطا ایدلماش اولدینی و محکمه تمیزک قراری دخی بوکی سندسز مواضعه دعواسنک استماعندن حکام منع ایدلش ایدوکی جهتهله مدعیه نک رد ادعاسنه قرار ویرلک لازم کاور ایکن قبول ایدلسی و فاطمه خانمک تحت وصایتده اولدینی بیان ایدلکی صغار سن رشده واصل اولوب وصایتک ساقط اولدینی جهتهله محکمه جه بوراسنک نظر اعتباره آلماسی و ذی الیدلک بالینه اثبات ایتدیرلماسی و تمیز قراری لازم الاتباع ایکن بر منوال محرر اصراره قرار ویرلمسی و مغایر قانون اولدینندن بجمله اعلامک نقی و لایحه جوابیه مؤداسی دخی اعتراضات مسرودهنک واهی و بی اساس اولدینی بیانیله ردی و موافق اصول و قانون اولان اعلامک تصدیق استدعاسندن وائف البیان مطالعه نامه مألیده اعتراضات واقعه نک غیر وارد اولدینی و بناءً علیه موافق اصول و قانون اولان اعلامک تصدیق بیاسندن عبارت بولنمشدر .

ایجابی مذاکره اولندقدده اعلام مذکور مألنده منظم اولدینی از زره محکمه جه کیفیت بر منوال محرر حکمه و اعلامه ربط اولنمش ایسه ده بوکی مواضعه دعوالرینک مسموعیتی اقرار ویا سننده مستند اولسی و اقرار و سننده مستند اولیان مواضعه دعوالرینک استماع اولنماسی احکام اراده سنیه دن بولنمش اولدینی و دعوی واقعه نک ایسه نه اقرار ونده سنند بولنماغله مسموع اوله میه جنی کی مسموع اولیان دعوا ده یمن دخی لازم کلدیکی جهتهله مواضعه دعواسنک ردینه قرار ویرلک و دعوانک بدل اوله رق ویریلان یدی یوز الی لیرانک استردادی جهتهله حصری حالده بوجهت اثبات و یمن ایله حل ایدلک لازم کورایکن استماعی قانوناً ممنوع اولان دعوا ده

مواضعه ایچون یمن تکلیف اولنسنک واشبو یمنین نکلک اسباب حکمدن عد ایدلسنک یولسزلنی حقنده محکمه تمیز حقوق دائر مسنجه اتخاذ ایدیلان قرار موافق قانون و لازم الاتباع ایکن قرار سابق منقوضده ثبات و اصرار ایدلسی یولسز و قانونه مغایر اولدینندن اصول محاکمه حقوقیه قانوننک ایکی یوز اوتوز ایکنجی ماده سی موجبجه اعلام اخیر استینافینک دخی اسباب موجب سنده اختلاف ایله برابر نقضیه قانون مذکورک ایکی یوز قرق طقوزنجی ماده سی حکمنه توفیقاً کیفینک صورت محرره دائر سنده بالرؤیه اعلامه ربطی ضمننده قسم مذکورده اعاده سنه وزیرده مفرات مرق اولوب اول و آخر مستدعی تمیز ورثه طرفندن ویریلان اوچ یوز قرق بریحی غروش مصارف تمیزیه نک ایلروده حقینز حقه جق طرفه عائد اولسنه ۱۵ نیسان سنه ۳۲۶ تاریخنده هیئت عمومی جه اتناقله قرار ویرلدی .

محکمه تمیز هیئت عمومی سندن صادر اولان ۲۲ نیسان ۳۲۶ تاریخی و ۱۴۲۰ نومرولی اعلام صورتیدر :

« مجروحک بر مدت صکره حین وفاتده جریحه نک تأثیریه وفات ایدوب ایتدیکی حقنده طیب و سائر ایجاب ایدلرک جلیله ایضاحات لازمه آلدقندن صکره بالدا کره کاکوره بر حکم اعطاسی لازم کاورکن بوندن ذهول ایدلسی مستلزم نقضدر »

لازستان سنجانغی بدایت محکمه سی جزا دائر سندن صادر اولان ۸ شباط سنه ۳۲۵ تاریخی و یوز طقوز نومرولی اعلام ایلد اوراق متفرعه سی باش مدعی عمومیلک مأموریت علیه سندن ۲۷ مارت سنه ۳۲۶ تاریخی و اوچ یوز سکسان سکیز نومرولی تبایغنامه ایله محکمه تمیز جزا دائر سنده کوندلش و عائدتی جهتهله هیئت عمومی جه بالتدقیق اصراری محتوی اولدینی متفقاً تحت قراره النمش اولماغله کافه اوراق دعوی مطالعه اولندی . اعلام مذکورک مالی لازستان سنجانغنه تابع مبادری ناحیه سنک دیطروز قریه سندن شیشمان اوغلی مجیدی قتل ایدلکی ادعاسیله جنایتله اتهام اولنان حسن اوغلی احمدک قانون جزانک یوز یتش دردنجی ماده سنک برنجی فقره سنه تطبیقاً اون بش سنه مدته کورکه قولسنه دائر مقدما ویریلان اعلام عندالتمیز مقتولک سبب وفاتی حقنده تعمیق تدقیقات اولنق لزومندن ذهول ایدلکیکنندن ناشی نقض اوله رق اعاده قلمسی اوزرینه اخیراً جریان ایدن محاکمه نتیجه سنده مرقوم مجیدک حسن اوغلی احمد طرفندن جرح ایدلکی و آلمش اولدینی جریحه دن طولانی اوچ آی یتاقده قاهره وفات ایدلکی حقوق عمومی شهودینک شهادتیه ثابت اولسنه و کرچه محکمه تمیزجه مرقومک سبب وفاتی حقنده فی راپورک عدم موجودیتی وسیله سیله تعمیق تدقیقات ایدنامسندن ناشی اعلام نقض ایدلش ایسه ده مذکور لواءه یالکیز بر بلدی طیبی موجود اولوب نه قضا لرده ونده ناحیه لرده باشقه طیب بولنماسنه و بلدی طیبینک هر طرفه یتشمسی ایسه امکان خارجنده اولسنه

و بوجي احوالده همه حال راپور اخذينه مجبوريه حاصل اولسه بر چوق حقوق عموميه و شخصيه نك ضياعه اوغرايه جني بديهي بولمسنه بناءً حكم سابقده اصرار اولنديغندن عبارتدر .

تبليغنامه ده موافق قانون بولنان اعلام مذكورك هيئت عموميه جه بالتدقيق تصديقي طلب اولنشدر .
تدقيقات تميزيه اجرا اولندوقده هر نقدر محكمه مذكوره جه اخيراً جريان ايدن محاكمه لازستان سنجاغی داخلنده يالكيز بر طيب بولنديغندن و بونك ده تعمر جلبندن و مقتولاك اوچ آي يتاقد قاله رق آلمش اولديني جريجه دن وقوع وقاتي ثابت اولديغندن بحسبه حكم سابقده اصرار اولنيور ايسده مقتول مرقومك حين وفاتنده اشبو جريجه نك موجود اولوب اولماديغي و موتي انتاج ايدوب ايتيه چكي حقه ده مرقومي غسل ايدن كمسه لرله طيب و سائر ايجاب ايدنر جاب اولنهرق ايضاحات لازمه آلدنقدن صوكره بالماذ كره اكا كوره بر حكم اعطا ايدنك لازم كايركن بوندن ذهول ايداش و اعلام سابقك غير منقوض اولان اقسامی دخي اعلام اخيره درجه اولنماش اولسنه و اسباب مذكوره نقض حكمی مستلزم نواقصدن بولمسنه مبنی اعلام اخير مذكورك دخي اصول محاكمات جزائيه قانونك اوچيوز اون دردنجي ماده سنه توفيقاً بو سببدن دولايي نقضيه اوراقلك محله اعاده سنه و ايكي يوز غروش اعلام خرجنك ايلورده حقسنر حيقه جق طرفدن تحصيله ۲۲ نيسان سنه ۳۲۶ تاريخده اكرتيله قرار ويرلدى .

محكمه تميز استدعا دائره سندن صادر اولان ۲۲ نيسان ۳۲۶ تاريخلى و ۵۳۶ نومرولى اعلام صورتيدر :

« سند خاقاني اوراق رسميه دن ممدور اولديغنه مبنی ساخته سند خاقاني استحصال

و استعمال مجازات ترهيبيه مستلزم افعالدين بولنديغنه دائر »

قرق كليسا سنجاغی بدايت وادرنه ولايتي استيناف محاكمي جزا دائره لرندن اعطا ايديلن قرارلرك يكديكرينه مبايتندن ناشي تعيين مرجع دعوى طلبی حاوی مذکور استيناف محكمه سی مدعی عمومیلکی جانبندن معطی ۳۱ مارت ۳۲۶ تاريخلى استدعنامه واوراق متفرعه سی باش مدعی عمومیلک مأموریت بهی سندن بالتبليغنامه ۱۳ نيسان ۳۲۶ تاريخده محكمه تميز استدعا دائره سنه توديع ايدملكه قرائت و مطالعه اولندی .
مذکور تبليغنامه ده اوستويجو ايله مشتركاً انشا ايتدكلری برباب صو دكرمنه مستقلاً متصرف اولديني درميانيه نامه ساخته اولهرق سند خاقانی استحصال و بو صورتله مرقوم اوستويچوي اضرار ايتديكي ادعا قلنان بقال يوركي حقه ده بدایه اجرا قلنان محاكمه نتیجه سنده مرقومك حرکتي مجازات ترهيبيه مستلزم افعالدين كوريله رك رؤيت دعوى وظیفه خارجنده ايدوكی بيانيله اوراقلك مستطالعه توديعنه دائر تنظيم و اعطا قلنان اعلام مدعی عمومی معاونلکی جانبندن استيناف ايدملكه اولبابده جريان ايدن محاكمه و تدقيقات استينافيه نتیجه سنده فعل مذکور مجازات تأديبيه مستلزم و بناءً عليه فصل ورؤيتي بدايت محكمه سنك وظیفه سی

داخلنده بولنديني حالده عكس صورتده قرار ويرلديكندن دولايي اعلام ابتدائينك فسخيله اساس مادهيه حكم اولنق اوزره اوراقلك بدايت محكمه سنه اعاده سنه قرار ويرلمش و بدايت محكمه سنجه ده قرار سابقده ثبات ايدلمش اولسندن ناش مقررات مذكوره بيننده شووجهله حاصل اولان اختلافك مظنونه اسناد اولنان جرمك مجازات ترهيبيه مستلزم اولديغنه دائر بدایه ويريلان اعلامك عندالاستيناف نوع جرم نقطه سندن فسخ ايديله رك بدايت محكمه سنه اعاده اولنمسي اوزرينه استيناف مقرراتنه قارشو بدايت محاكمك حق اصراری اولماديغي نظر دفته آلهرق محاكمه سنه دوام اولنمسي مقتضى بولمش ايكن قرار سابقده ثبات اولنمسي يولمسر و قانونه مخالف اولديغندن ناشي استيناف محكمه سی اعلامی دائره سنده مرقومك محاكمه سنك اجراسی ضمننده اوراقلك قرق كليسا بدايت محكمه سی جزا دائره سنه ارسالی صورتيله حلی لازم كله چكي كوسترلمشدر .

ايجابی لدی لدا كره سائف لدا كر تبليغنامه ده درجه اولی محكمه سنك قرار استينافيه قارشو حق اصراری حائر اولماديغي نقطه سندن قرار واقع دائره سنده معامله اولنق اوزره كيفيتك محكمه بدایه سوقی صورتيله ايشك تعين مرجعي لزومی كوسترلمش ايسده محاكم ابتدائيه نك استيناف مقرراتنه تبعيت مجبوريه قانونيه سی تحتنده اولنسي تميز دعوى صورتيله محكمه تميزه مراجعت وقوعنده موضوع بحث اوله جق اسباب نقضيه جمله سندن اولوب تعيين مرجع طريقه توديع ايديلان اوراقلك تدقيقات تميزيه سی كرك نوع جرم و كرك محل وقوعات اعتباريله مظنونلر حقه ده اجراسی مقتضى تعقيبات و محاكمات مرجعي تعيين اساسنه منحصر اوله جني جهته شو مسئله ده بدايت محكمه سنك استيناف قرارينه عدم متابعتي دعوانك اورايه اعاده سی امرنده حائر تأثير كوريله ممش واوراق متعلقه مندرجاتندن استنباط اولنديغی وجهله مظنون يوركينك فعل و حرکتي مدعی شخصی ايله مشتركاً متصرف اولديني دكرمنی مستقلاً كندی نامه تحویل ايتك صورتيله ساخته سند خاقانی استحصال و محكمه حقوقيه ابراز و استعمال ايتكندن عبارت اولسنه و سنده مذكورك اوراق رسميه دن ممدور بولمسنه نظراً فعل مذکور مجازات ترهيبيه مستلزم افعالدين بولمش ايدوكندن اصول محاكمات جزائيه قانونك درتيوز اون سيكرنجي ماده سی موجبجه محكمه بدایتك بويولده كي قراری وجهله معاملات متعاقبه سی ايضا اولنق اوزره اوراقلك محله اعاده سنه ۲۲ نيسان سنه ۳۲۶ تاريخده متفقاً قرار ويرلدى .

محكمه تميز استدعا دائره سندن صادر اولان ۱۳ نيسان ۳۲۶ تاريخلى و ۴۸۸ نومرولى اعلام صورتيدر :

« بدايت محاكمي رؤسا و اعضاسنك جرائم شخصيه لرندن دولايي حفرنده تعقيبات و معاملات قانونيه اجراسنك مافوق محكمه لرپه عايدتنه مبنی لوا بدايت محكمه سی هيئننك هيئت استينافيه صورتنده تشكّل ايدرك رؤيت دعوى ايله سی لازمه دن ايكن بررئيس ايله ايكي اعضادن متشكل هيئت حضوريله رؤيت دعوى ايله سی نقض حكمی مستلزمدر »

دده اغاج سنجاغی بدايت محكمه سی جزا دائره سندن تنظيم و اعطا و ۱۳ حزينان ۳۲۵ تاريخنده

امر تفهیمی اجرا قلنان ۱۳ شباط سنه ۳۲۵ تاریخ و طقسان سکنز نومرولی اعلامک تمیزاً تدقیق طلبی حاوی صوفیلو قضایی بدایت محکمه سی سابق باش کاتبی علی حیدر افندی جانبندن معطی استدعای نامه واوراق متفرعه سی باش مدعی عمومیک مأموریت بهیه سندن باتبلیغنامه ۷ شباط ۳۲۶ تاریخده محکمه تمیز استدعا دائره سنه تودیع اولمش ولدی التدقیق مذکور استدعای نامه نک مدت معینه قانونیه سی ظرفده اعطا وشرائط لازمه سائر سنک دخی ایفا قلندی کلاشلمش اوانغله بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی مومی الیه حیدر افندی تی تحقیر وضبط کاتبی محمدشکری افندی تی ضرب ایلبیکی ادعا اولنان محکمه مذکوره رئیس اولی محمد امین افندی الیه رئیس مومی الیه ایفای وظیفه اثناسنده تحقیر ابتدکی ادعا اولنان مومی الیه حیدر افندی نک اجرا تانان محاکمه لری نتیجه سنده رئیس مومی الیه ک ضرب و تحقیر افعاله اجتسارینه دائر حکم ایچون تأمین وجدانه کافی دلائله دسترس اولنه مادیغندن بختله مومی الیه هر ایکی جهندن برائته و رئیس مومی الیه وظیفه مأموریتندن ناشی تحقیر ایلبیکی اخبارات و اقرار مؤلی دلائلریه ثابت اولدینی بالیان مومی الیه حیدر افندی نک قانون جزانک یوز اون ایکنجی ماده سی حکمونه توفیقاً بر هفته حبسنه قرار ویرلدیکنی متضمندر .

لایحه تمیزیده رئیس مومی الیه علمنده اقامه ایلبیکی دعوانک اصول محاکات جزائییه قانوننک در تیوزنجی ماده سی موجبجه لوا هیئت استینافیه سنده رؤیتی مقتضی ایکن محکمه مذکوره ده رؤیت اولمشی و کندی حقنده برکونا شکایتنامه واستدعای شخصی اولمادیغنی حالد شخصیه تعلق ایدن خصوص مذکور دن دولای محکومینه قرار ویرلمسی وبلا اسباب قانونیه رئیس مومی الیه علمنده قبول اولنمان شهادتک کندی حقنده قبول ایلمسی و تفهیم اولنان قرارک قابل استیناف و تمیز اولوب اولمادیغنی کوسترلمه سی مغایر قانون ایدو کندن بختله اعلام مذکورک تقضی استدعا اولمش تبلیغنامه ده دخی مومی الیه محمد امین افندی نک تحقیر وضرب جرملری ایقاع ایلبیکنه دائر اولان شکایات اجرای مأموریت ابتدکی زمانه معطوف و مصروف بولنق ملا بسه سیله تحت محاکمه یه النسی ایچون عدایه نظارتندن امر و مأذونیت استحصال ایلمکسزین محاکمه سنک اجرا ایلمش اولمشی و مستدعی مومی الیه لایحه تمیزیه سنده بیان اولدینی وجهله صوفیلو قضایی بدایت محکمه سنک مافوق صقیله ایشه وضع ید ایدن محکمه مذکوره هیئت نک هیئت استینافیه صورتنده ترتب و تشکل ایدهرک رؤیت دعوی الیسی لازمه دن ایکن هیئت ابتداییه صورتنده بالتشکل اجرای محاکمه ایلمش اولمشی قانونه مخالف معاملاتن ایشه اشبو معاملات انجق مومی الیه محمد امین افندی حقنده کی حکمه تعلق و تأثیر ایدر احوال دن واسباب ایدن اولدینی حالد مومی الیه حقنده کی حکم برائندن دولای هیچ بر طرفدن تمیز دعوی ایدلمش و علی حیدر افندی نک مافوق محکمه ده محاکمه سنی مستلزم بر صفت قانونیه سی اولمادیغنی جهتله انک حقنده کی حکمه ده غیر مؤثر بولمش اولدیغنه کوره لایحه تمیزیده محکمه مذکوره هیئت نک صورت تشکلی حقنده در میان اولنان اعتراض موافق اولغله برابر علی حیدر افندی حقنده کی حکمک تقضی مستلزم بر سبب

قانونی تشکیل ایدمه چکی کبی لایحه تمیزیه نک احتوا ایلبیکی سائر اعتراضات دخی امور تقدیریه عائد و غیر وارد اولدینی بیانیله استدعای واقعک ردی لزومی کوسترلمشدر .

ایجابی لدی المذاکره بدایت محاکمی رؤسا و اعضاسنک جرائم شخصیه لرندن دولای حقارنده تعقیبات و معاملات قانونیه اجراسنک مافوق محکمه لرینه عائدیتی ارأه ایدن اصول محاکات جزائییه قانوننک اوچوز سکسان انتجی ماده سنه ابتداء محکمه محلیه رئیس عطف و اسناد ایدیلان ضرب و تحقیر ماده سنک محاکمه سنده ذکر اولنان دده اغاج سنجانی بدایت محکمه سنجه ابتدار اولمش و بواشاده مستدعی تمیز علی حیدر افندی نک دخی مظنونیتی کلاشلمسيله توحید محاکمه قاعده سنه توفیقاً داخل محاکمه ایدیلهرک بالتلیجه بر هفته حبسنه قرار ویرلمش اولوب انجق و اوراق میاسنده بولنان محاکمه ضبطنامه سی محتویاتنه کوره لوا بدایت محکمه سنک هیئت استینافیه سنده جریانی قانوناً مقتضی اولان تدقیقات و محاکات مذکور نک بر رئیس الیه ایکی اعضادن متشکل هیئت حضوریه اجرا قلندی کلاشلمسینه و کاتب مومی الیه دخی بر منوال محرر رئیس تبعاً و توحید محاکمه قاعده سنه توفیقاً امر محاکمه سنک مافوق محکمه سنه عائدیتی نقطه سندن هیئت حاکمه نک درجه ثانییه محاکمی کبی بش ذاتن ترکب اتمش اولماسندن دولای سرد اعتراضه حق استینافدن محرومینی اعتباریه صلاحیتی درکار اولهرق تبلیغنامه ده بیان اولدینی وجهله شو یولسزلغسک رئیس مومی الیه تعلق ایدن حکمه منحصر عدیه و مستدعی مومی الیه ذاتاً کیفیتی مافوق محکمه سنه سوق ایدهرک صفت قانونیه سی حائر اولمادیغنی بیانیله حق استینافی اسقاط ایدن قرار واقعه قارشو اولباده کی اعتراضه غیر وارد نظریله باقیله مایه جفته بناء اعلام تمیزیه کاتب مومی الیه عائد اولان فقره حکمیه سی دخی لایحه تمیزیده در میان اولدینی اوزره عدد قانونیسندن نقصان تشکل ایدن هیئت طرفندن ویرلمش اولمسيله یولسز و شایان نقض کوروش اولدیغندن ذکر اولنان اصول محاکات جزائییه قانوننک اوچوز اون دردنجی و اوچوز اون طقوزنجی ماده لری منطوقنجه فقره مذکور نک بوسیدن طولای قضیه اشک اصول و قانونه موافق صورتده یکیدن تدقیق ضمنتده محکمه مروره عاده سنه و ایکوز غروش اعلام خرجنک تعرفه و تعلیمات مخصوصه سی موجبجه ایلروده حقیر حقیقه جق طرفدن استیفاسنه ۱۳ نیسان ۳۲۶ تاریخده متفقاً قرار ویرلدی .

محکمه تمیز استدعا دائره سندن صادر اولان ۲۲ نیسان ۳۲۶ تاریخی و ۵۳۷ نومرولی اعلام صورتیدر :

« رزی به عائد ضبط ورقه سی اشخاص سائر نک امضاسنی حاوی اولدینی حالد امضالری بولنان قولیلرک جابلریله بالتجلیف استماعلری لازم کلور ایکن بوندن ذهول اولمشی نقض حکمی مستلزمدر »

صاروخان سنجانی بدایت محکمه سی جزا دائره سندن تنظیم و اعطا قلنان ۲ تشرین اول سنه ۳۲۵ تاریخ

و ٣٨٨ نومرولى اعلامك تميزاً تدقيق طلبى حاوى حاجى محمد على اوغلى خليل جانبدن معطى استدعاناامه واوراق متفرعهسى باش مدعى عمومىك مأموريت بهيهسندن باتبليغنامه ٢١ نيسان سنه ٣٢٦ تاريخنده محكمه تميز استدعا دائرهسنة توديع اولمش ولدى التدقيق مذكور استدعاناامهك مدت معينهسى طرفنده ويرلدىكى وشرايط قانونيهى جامع ايدوكى آكلاشلمش ايدوكندن بالقبول تدقيقات تميزيه اجراسنه ايتدار اولندى .

اعلام مذكورك خلاصه مالى يدرلنده يوز طقوز كيلو ياپراق قچاق توتون دردت ايدلىكى ادعا قلنان مستدعى خليل ايله اسماعيل حقلرنده اجرا قلنان محاكمه و تدقيقات نتيجهسنده مرقوماندى خليلك مذكور المقدار توتونى بار كيريله قاجيرمقدمه ايكن رضى قولجلىرى طرفندن دردت ايدلىكى ضبط ورقهسى مندرجاتيله ثابت اولديغندن بحثله رضى نظامنامهسك قرق ايكنجى مادهسك برنجى فقرهسنة توفيقاً درت بيك اوچيوز آلتش غروش جزاى نقدينك مرقومدىن تحصيله وديكر مظنون اسماعيلك مرقومه اشتراكى آكلاشيله ماديغندن آنكده برائتته قرار ويرلدىكى مضمندر . لايحه تميزيهده كندوسى سودجيك ايتكمده اولوب سود آرامق ايچون بار كيرينه سود كو كوملرني يوكلتهرك كيتكمده ايكن رضى قولجلىرىن ارنبود عبده وعلى عثمان مسلحاً اوكنه چيقهرق كندوسنى ضرب وبار كيرنى اخذ ايدرك بالاخره عليهنده تصنيعاتده بولندقرلنى وشمىده قدر قچاقچلىق ايتدىكى وبوجهى شهود ايله اثبات ايدىجكنى درميان ايتش ايكن محكمه مذكوردهجه نظر اعتنايه آنقسزىن بلا تحقيقات محكوميتنه قرار ويرلش اولسك مغايرت قانونيهسندن بحثله اعلام مذكورك نقضى استدعا اولمش ، تبليغنامهده دخی نقصان تدقيقاتى مضمن اعتراض وارد ايدوكى بيانيله اعلام مذكورك نقضى لزومى كوسترلمشدر .

الجباني لى المذاكره رضى عائد قچاقچلىق دعوالرينك ثبوتنه مدار اولان ضبط ورقهلى نظامنامه مخصوصك آلتش برنجى مادهسى موجبجه رضى مأمورلى طرفندن عقيب وقوعانده موجود بولسان كيمسه لوك دخی امضاسنى حاوى اولسى مشروط اولوب خلاصهسى اعلام تميز بهده مندرج ضبط ورقهسى ايسه توتونلرك خارج شهرده دردت ايدلمش اولسندن ناشى اشخاص سائرلك امضاسنى محتوى اولماسى اعتباريله اولبايدهكى تعليماتك قرقجى مادهسى منطوقجه مذكور ورقهده مهر وامضاسى بولان قولجلىرك محكمهيه جلبلريله بالتحايف استماعلى لازم كلوركن بوندن ذهول اولسى يولسى وتبليغنامهده مرقم اولدينى اوزره لايحه تميزيهده نقصان تحقيقاته متدائر اولان اعتراضات شو صورتله وارد وبجا بولمش اولديغندن اصول محاكمات جزايه قانونك اوچيوز اون دردنجى واوچيوز اون طقوزنجى مادهلى موجبجه اعلام مذكورك سبب مذكورده بناءً نقضيله ارجو جهله اصلاح معامله ايدلك اوزره اوراق دعوانك محكمه عائدسنة اعادهسنة وايكسوزغروش اعلام خرجك تعرفه وتعليمات مخصوصهسنة توفيقاً ايلورده حقسز چيقهحق طرفندن استيفاسنة ٢٢ نيسان ٣٢٦ تاريخنده متفقاً قرار ويرلدى .

محكمه تميز استدعا دائرهسندن صادر اولان ١٣ نيسان ٣٢٦ تاريخلى و ٤٨٧ نومرولى اعلام صورتيدر :

« نواقص اصوليهيه تعلق ايدن اسباب فسخيك محكمه بدايحه استماع اولسان شهودك تكرار جلبى استلزام اينديرمهجكنه دائر »

درسعادت استيناف محكمهسى جنجه دائرهسندن تنظيم واعطا قلنان ٢٧ شباط سنه ٣٢٥ تاريخلى اعلامك تميزاً تدقيق طلبى حاوى لفر ولدى يوركى ايله كرچجى توفيلوس طرفلرندن مشتراكاً وداميانوس ولد صوا وكلى واسيلاكى ائندى جانبدن منفرداً معطى ايكي قطعه استدعاناامه واوراق متفرعهسى باش مدعى عمومىك مأموريت بهيهسندن باتبليغنامه ١١ نيسان ٣٢٦ تاريخنده محكمه تميز استدعا دائرهسنة توديع اولمش ولدى التدقيق مستدعيلردن داميانوسك شرايط تميزيه جملهسندن اولان بش ليرا جزاى نقدي ي ايفا وياخود بيقدردت اولديغنه دائر مرجع رسميسندن مصدق شهادتنامه استحصال واعطا ايتدىكى كجى حال موقوفيتده اولديغنه وياخود بالكفاله سيلانك تخليه قانديغنه دائر اقتضا ايدن ورقه رسميهى دخی ويرمديكى محكمه مذكورده باش كاتبى طرفندن ظهر استدعاناامهيه يازيلان ٣ نيسان سنه ٣٢٦ تاريخلى دركنار مندرجاتندن اكلشلمش وشوخالده اصول محاكمات جزايه قانونك اوچيوز يكرمى بشنجى واوچيوز يكرمى التنجى واوچيوز يكرمى يدنجى مادهلى احكامك اجراسز قاندينى تحقق ايتش اولديغندن مرقومك استدعاسك بو سببلردن دولاي ردينه متفقاً قرار ويرلدىكى صكره مدت قانونيهسى طرفنده اعطا وشرايط لازمه سائرلسك دخی ايفا قاندينى اكلشيلان مرقومان لفر ايله توفيلوسك استدعاناامه لرينك بالقبول مرقومان حقلرنده تدقيقات تميزيه اجراسنه ايتدار قلندى .

اعلام مذكورك خلاصه مالى غلطهده فرمنه جيلرده كان بويى تاجرى ليغور ومخدومى خرسىو افنديلرك دكاندن ليلا بويى وودرينك وفورچه كجى اشياى تجاريهسى سمرقت ايتدىكارى ادعا اولنان اشخاص مظنوندىن لفر وتوفيلوس ايله اسقولى وصارى قوچو ومال مسروق بيلهرك آلايى ادعا اولنان داميانوس ايله طريانده فيلك افعال مذكورده جرأتلى ثابت اولديغندن بحثله مرقوماندىن لفر كجى واسقولى ايله صارى قوچونك برر بحق وتوفيلوسك برسنه وداميانوس ايله طريانده فيلك دخی اوچر ماه مدتله حبسلرينه وديكر لرينك براتلرينه دائر ويريلان اعلام مرقوموندىن لفر وتوفيلوس وطريانده فيل وداميانوس جانبدن استيناف ايدلمسكه اعلام مذكورك اسباب قانونيهدى ناشى بالفسخ اولبايده اجرا قلنان محاكمه وتدقيقات استينافيه نتيجهسنة صورت جريان وقوعات ومحاكمه دن حاصل اولان دلائل واخبارات وكشف وتحرى ورقهلى كجى وثائق رسميهيه نظراً مرقومونك افعال مدعاهايه اجتسارلى درجه ثبوت واصل اولوب مدافعات واقعه غير وارد كورنديكى بيانيله جزا قانوننامه هايونك ايكيوز ايكنجى مادهسى حكمنه توفيقاً مرقومان لفر وتوفيلوسك يدشمر ماه وداميانوسك دخی قانون مذكورك ايكيوز اوتوزنجى مادهسى ذيل موجبجه اون

بش کون مدتله حبسارینه و طریانده فیلک دخی برائته و اصولاً ثابت اولامیان فضله اشیا دن دولای مدعی شخصینک محکمه عاذه سنه مراجعته مختاریته قرار ویرلدیکنی متضمندر .

لایحه تمیزیه ده علیه لرنده اسناد اولنان فعل سرقک مزور و مصنع ایدوکنه دلالت ایدن اسباب و براهینک تدقیق و اعلام ابتدائینک فسختدن صکره بدایه استماع اولنان کسانک استینافاً جاب و استماع اولنامسی و مدعی مرقومک مخدومی طرفدن صائمق اوزره کوستریلان نمونه نی کورن ایکی نفر شاهدک اخباراتنک مسکوت عنه بر اقله سی و شهود مستمع دن هیچ برینک افاده سی علیه لرنده دلیل تشکیل ایتدیکی کبی مدعینک دفاترینک تدقیقنه متدائر اولان ادعایرینک نظر دفته الخامسی و فعل مذکورک وقوعه دلالت ایتدیکی بیان اولنان کیره میدلرک قیرلمش بر حالده بولوب بولمادیغنک دائره تدقیقندن خارج طوئسی مغایر قانون ایدوکندن بحالده اعلام استینافینک نقضی استدعا اولنمش تبلیغنامه ده دخی اعلام ابتدائینک فسختدن صکره بدایه استماع قلنان شهودک محکمه استینافیه جه جاب و استماع ایدلیه رک افاده مضبوطه لرینک قرائت و مطالعه سیاه اکتفا ایدلسی مخالف اصول و قانون اولوب لایحه تمیزیه ده بو جهت حقنده درمیان اولنان اعتراضات بجا کورلمش اولدینی بیانیله اعلام مذکورک مرقومانه عاذه جهتنک نقضی لزومی کوسترلشددر .

ایجابی لدی المذاکره محکمه استینافیه جه حکم ابتدائینک نواقص اصولیه دن دولای فسختی متعاقب جریان ایدن محاکمات نتیجه سنده مرقومان فقر ایله توفیلوسک فعل سرقه جرأتلری اخبارات موجودیه منظم دلائل و امارات سائر ایله مرتبه ثبوتده کوریلرک تحدید جزالری یولنده اتخاذ اولنان قرار اسباب موجبیه مستند اصول و قانونه موافق بولنمش و ذکر اولنان حکم ابتدائینک عندالاستیناف کشف راپوریه تحقیقات ابتدائیه اوراقنک اولباده کی اعلامه درج اولنامسندن ناشی فسخ ایدلسنه کوره نواقص اصولیه به تعلق ایدن شو اسباب فسختیه نک محکمه بدایجه استماع اولنان شهودک تکرار جلبی استلزام ایتیه جکی کبی بعدالفسخ درجه ثانیه ده اجرا قلنان محاکمه اثناسنده دخی جلب شهودی ایجاب ایدر احوال و کیفیات حادث اولمادیغی جهتنه لایحه تمیزیه نک بوبابده کی فقره سی اسباب محرره دن فقرات سائر سی ده محکمه نک قانوناً تعرضدن مضمون اولان تقدیراته تعاقندن ناشی وارد و بجا کوریله مامش ایدوکندن اعتراضات واقعه نک ردیه اعلام استینافینک مرقومان فقر ایله توفیلوس حقنده کی فقرات حکمیه سنک تصدیقنه و یوز غروش اعلام خرجنک تعرفه و تعلیمات مخصوصه سی موجبیه مرقوماندن و یوز غروش رد استدعا خرجنک دخی اسباب محرره دن ناشی استدعای رد اولنان دامیانوسدن استیفا سنه ۱۳ نیسان ۳۲۶ تاریخده متفقاً قرار ویرلدی .

محکمه تمیز استدعا دائره سندن صادر اولان ۱۷ نیسان ۳۲۶ تاریخلی و ۵۴۲ نومرولی اعلام صورتیدر :

« مدی عمومی معاونی بولنمیان قضا لدره معاونک وظیفه سنی و کالة ایفا ایدن ذاتک مأموریت اصلیه سی دخی تعیین و تصریح ایدلک مقضی بولدیغه دائر »

قلعه ساطانیه سنجاغی بدایت محکمه سی جزا دائره سنندن تنظیم واعطا و ۲۶ کانون ثانی ۳۲۵ تاریخده


امرتفه سی اجرا قلنان ۹ شباط ۳۲۵ تاریخ ویشیوز سکسان بش نومرولی اعلام استینافینک تمیزاً تدقیق طلبی حاوی لوای مذکور اورمان اداره سی جانبندن معطی استدعا نامه و اوراق متفرعه سی باش مدعی عمومینک مأموریت بهیه سنندن بتبلیغنامه ۱۳ نیسان ۳۲۶ تاریخده محکمه تمیز استدعا دائره سنه تودیع اولنمش و لدی التدقیق مذکور استدعا نامه نک مدت معینه قانونیه سی ظرفنده اعطا قلندیغی اکلاشلمش اولمغه بالقبول تدقیقات تمیزیه اجرا سنه ابتدار قلندی .

اعلام مذکورک خلاصه مالی ترلاسنده یاقدیغی آتشک سرائیله میری اورمانلرینی احراق و ضرر وزیران ابراث ایتدیکی ادعا اولنان دوهی اوغلی حسنک مذکور حریقک ظهورینه سببیت ویردیکنه دائر تأمین وجدانه کافی دلائل و اخبارات موجود اولمادیغی کبی ادعای مجرد اوزرینه محکومیتی غیر جائز ایدکنندن بحالده مرقومک برائته دائر بدایه ویریلان اعلامک اورمان اداره سی جانبندن استیناف ایدلکله اولباده اجرا قلنان محاکمه و تدقیقات استینافیه نتیجه سنده اعلام مستأنف بهک جریان محاکمه سی اصوله موافق و اعتراضات مسروده غیر وارد ایدوکنندن بالبحث استیناف استدعاسنک ردیه حکم اولک تصدیقنه قرار ویرلدیکنی متضمندر .

لایحه تمیزیه ده مدعی عمومینک غیوبتده اعضادن برینک و کالتی ایجابات قانونیه دن ایسده معذرتنه مبنی بولنه مایان مدعی عمومی معاوننه او قویوب یازمق اقتدارینی حائز اولمایان ژاندارمه اونباشیسی محموداغانک وکیل تعیین و مظلون مرقومک اورمان قطع سنی احراق ایتدیکی اخباراتله تأید ایدن ضبط ورقه سی مندرجاتیه ثابت اوله رق محکومیتنه قرار ویرلمک لازم کلور ایکن مرقومک حرکتی ثابت اوله مادی دنیلرک برائته دائر بدایه ویریلان قرارک استینافاً نظر تدقیقندن کچورلمکسزین تصدیق اولنمش مغایر قانون ایدوکنندن بحالده اعلام استینافینک نقضی استدعا اولنمش تبلیغنامه ده دخی لایحه تمیزیه ده ضبط ورقه سنک خلافی ثابت اولمادیغی حالده مظلونک برائته قرار ویرلسی مغایر قانون بولندیغه دائر درمیان اولنان اعتراضات مندرجات اعلامیه نظراً غیر وارد بولنمش ایدوکی بیانیله استدعای مذکورک ردی لزومی کوسترلشددر .

ایجابی لدی المذاکره اصول محاکمات جزائییه قانوننک یوز اوتوز دردنجی ماده سنده مدعی عمومی معاونی بولنمایان قضا لدره بوظیفه نک ضبطه ضابطانی طرفندن ایفا ایدیه جکی و بولرک تعددی حالنده وظیفه مذکورده قنایسنک ایفا ایتدی لازم کله جککنک لوا مدعی عمومی معاونی طرفندن تعیین قلنه جی مرقم اولدینی و محاکمندن تنظیم اولنان اعلاماده حقوق عمومیه مأمورینک حضوری کوسترلکله برابر معاونک وظیفه سنی و کالة ایفا ایدن ذاتک مأموریت اصلیه سی دخی تعیین و تصریح ایدلک مقتضی بولندیغی حالده درجه اولی محکمه سنجه صفت قانونیه سی بیان و تصریح اولنمایان محموداغانک معاون و کالتده بولندیرلسی مستلزم فسخ احوال دن اولدینی حالده محکمه استینافیه جه بوجهت نظر دفته آلتقسزین حکم ابتدائینک اصابتی بالیان تصدیق ایدلسی یولسز و مغایر اصول و قانون اولوب لایحه تمیزیه نک بوجهتی تضمن ایدن فقراتی وارد و بجا کورندیکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقجه اعلام استینافینک بوندن

دولاني قضيه احكام قانونيه دائره سنده ايفاي معامله ايدلك اوزره اوراق متعلقه سنك محكمه مذكوره به اعاده سنه وايكوز غروش اعلام خرجك تعرفه وتعليقات مخصوصه سي موجب جبه ايلروده حقسز چيقه جق طرفدن استيفاسنه ١٧ نيسان سنه ٣٢٦ تاريخده متفقاً قرار ويرلدي .



محكمه تميز حقوق دائره سندن صادر اولان ٢٧ نيسان ٣٢٦ تاريخي و ٤٢٦ نومرولي اعلام صورتيدر:


« اعتراض على الحكم صورتيه رؤيت اولسان دعوايه معترض كلديكي تقدیره اصول محكمه حقوقيك ماده مخصوصه سي موجب جبه اعتراض استدعاسنك ردی اقتضا ايتديكي حالده وكيل مسخر تعيينيله رؤيت دعوی اولنسی نقض حکمی مستلزمدر »

بايندر قصبه سنك حاجي ابراهيم محله سنده مقیمان علائیه لی قره سعید اوغلی محمد ايله حاجی علی اوغلی بيشنه متکون دعوايه دائر قضاء مذکور بدایت محکمه سندن ١٣ کانون ثانی ٣٢٥ تاريخي والتش درت عددی ايله ويريلان اعلام مرقوم محمد طرفدن مدت قانونيه سي ظرفنده تمیز اولتمقله طرفينك اعتراض وجواب لایحه لریله بالمطالعہ تدقیقات تمیزیه اجراسنه ابتدار اولندی .

اعلام مذکورك خلاصه مندرجاتی مزبور ملاعنك برقطعه سند موجب جبه مرقوم محمد ذمتنده الاجنی اولان غیراز استيفا اون سکر عدد تام وبر چاریک مجیدیه نك بر موجب سند تحصيلنه دائر عن الغياب استحصال ایلدیکی اعلام علینده مرقوم محمد طرفدن اعتراض علی الحكم استدعای اعطا وکندوسنك حیوان مبايعه سندن دولانی برکونا بورجی اولمادیکی کبی حکمه سبب اتخاذ قلنان سندی دخی ویرمديکني وکرچه تاريخدن درت بش سنه مقدم یوز الی بش بحق سیم مجیدیه ثمن مقابلنده اوچ رأس استر وبر رأس مرکب مبايعه ایتش ایسه ده ثمن مذکور کمالاً تأدییه ایدرك بورجی قالمادیکی ادعا ایتسنه قارشو معترض علیه ملا علی منوال محرر اوزره الاجنی اولوب بو خصوصی شهود شخصیه اقامه سیله اثبات ایده جکني بیان ایتدکن واقعه ایتدیکی شهود بعدالاستماع امر تذکیرلینك اجراسی ایچون تعیین قلنان کونده معترض مرقوم محمدکینه کلامسی اوزرینه محافظه حقوقی ضمنتده محکمه جبه وکیل مسخر تعیین قلندقدن وشهود مستمعنه نك امر تذکیرلری یوانده اولدیکی اکلشلدقدن صکره جریان ایدن محاکمه و تدقیقات نتیجه سنده تعیین قلنان کونده معترض مرقوم محمدک اجابت ایتماش اولدیغندن اصول محاکمه حقوقیه قانوننك یوز الی طقوزنجی ماده سی حکمه توفیقاً مذکور اعتراض استدعاسنك کائن لم یکن حکمنده عدینه ومذکور استدعاسنك مدت قانونیه سی ظرفنده اعطا ایدلسی اوزرینه بدایه قبول ایدیلرک وجاهاً اجرا قلنان محاکمه لرند معترض مرقومک مبلغ مذکور انکار ایتسی اوزرینه محکمه جبه ويريلان قرار اوزرینه مدعی معترض علیه بولنان مرقوم

ملا علی مدعاسی عدالتلری عندالتذکيه تظاهر ایدن شهودك بالمواجهه واقع اولان شهادتلیله اثبات ایتسنه مبی مجله نك (١٨١٨) نجی ماده سنده توفیقاً مذکور اون سکر مجیدیه بربرک اعلام معترض بیده محکی سنك اقتضای مدتدن اعتباراً فائضیه معاً تحصیل ومدعی به اعطاسنه حکمدن ومستدعی تمیزك اشبو حکم علینده لایحه سنده محرر اعتراضنك خلاصه سی دعوی عرفالنك تاريخنه نظراً مدعی طرفندن الی ماه مدته تعقیب دعوی ایدلماش اولدیغندن اولباده کی عرفالنك ابطالی لازم کور ایکن ایدلماش و حکمه سبب اتخاذ قلنان سند کندوسنك اولمایوب بورجی دخی بولمادیکی بیان ایتش اولسنه نظراً تطبیق خط وخاتم فصلنده محرر قاعدهیه توفیقاً تطبیقات لازمه اجرا ایدلکسزین شهود شخصیه اقامه سنه مساع کوسرلش وشهود مستمعنه نك یکدیگرینه اولان مبانك نظر اعتباره التمسزین برمنوال محرر قرار ویرلسی یولسز ومغایر قانون اولدیغندن بخله اعلامك نقضی ولایحه جوابیه مؤداسی دخی اعتراضات مسروده نك واهی وبی اسایی اولدیکی بیانیه ردی وموافق اصول وقانون اولان اعلامك تصدیقی استدعاسندن عبارت بولمشدر .

ایجابی مذاکره اولندقدن اعلام مذکور مألندن منقهم اولدیکی اوزره محکمه جبه کیفیت بوجه محرر حکم واعلامه ربط اولمش ایسه ده مدعی علیه یوز الی بش مجیدیه بورجی وار ایدیه ده تأدییه ایلدیکی ادعا ایتسنه واشبو ادعا ایسه دفع اولوب مجله نك بیک الی یوز اوتوز برنجی ویک الی یوز اوتوز ایکنجی ماده لری موجب جبه دفع مذکورك مدعی علیه جانیندن اثبات ایدلسی ویا یمین ايله حل اولنسی لازم کله جکسه کوره مدعیدن شاهد طلب ایدلسی ومشهود به مدعابه اولق لازم کور ایکن مدعی علیه بورجی اولدیکی بیلدیکنه شهادت ایدن یعنی مشهود بهی کندی علمی قیلان شاهدلرک افاده سنده مقام شهادتده قبول ایدلش ودعوی واقع اعتراض علی الحكم صورتيه رؤيت ایدلکده اولدیکی ومعترض کلدیکی حالده اصول محاکمه حقوقیه قانوننك یوز الی طقوزنجی ماده سی موجب جبه اولباده کی اعتراض استدعاسنك ردی اقتضا ایتدیکی حالده معترض ایچون وکیل مسخر تعیینيله رؤيت دعوی اولنسی یولسز وقانونه مغایر اولدیغنه بناء قانون مذکورك ایکی یوز اوتوز ایکنجی وایکی یوز قرق دردننجی ماده لری احکامنه توفیقاً اعلام مذکورك نقضی ايله کیفیتك اعلامه ربطی ضمنتده محکمه مذکوره به اعاده سنه واساس دعوی بشیوز غروشدن دون اولق حسیلله اشبو اعلام خرجی اولان وزیرده مفرداتی مرقم بولنان اوچیوز بش غروش مصارف تمیزیه نك حین اجراده ماده معدله سی حکمه توفیق معامله ایدلك اوزره شمديك تأجیلنه ومستدعی تمیز طرفندن تصدیق کفالت خرجی اوله رق ويريلان التمش بش واوراتی تمیزیه پوللاری بهاسی یکرمی یچق غروشکه جمعاً سکسان بش بحق غروش مصارف تمیزیه نك بوکره پول بهاسی اوله رق ملا علی طرفندن ويريلان اون یدی غروشله برابر ایلروده حقسز چيقه جق طرفه عائد اولسنه ٢٧ نيسان سنه ٣٢٦ تاريخده متفقاً قرار ويرلدي .



محكمة تمیز حقوق دائره سندن صادر اولان ١٤ حزيران سنه ٣٢٦ تاريخی و ١٠٤٠ نومرولی اعلام صورتيدر:

« خيار طول مدت طراوتی محافظه ايدر محصولاتدن اولادینی و بناءً عليه اعشار نظامنامه سنك اوچنجی ماده سی مستثنیاتنه داخل بولنديني حاله محكمه جه عشر اعطاسنه قرار ویرلسی مستلزم نقض اولديغنه و بشيوز غروشدن دون اولان دعاوی ایچون خرج تعرفه سنك ماده معدله سی موجبجه رسوم تمیزیه نك تأجیلی لازم کلدیکنه دائر »

اینه کول قضاسنك جمعه محله سنده مقیم اوتوز براوغلی حاجی ابراهیم اغا ایله قضاء مذکورک اوچیوز یکریمی بش سنه سی اعشار ماتریمی بروسه لی مصطفی افندی بیننده متحدث دعوايه دائر اینه کول بدایت محکمه سندن ویریلان ١٥ مایس سنه ٣٢٦ تاريخی و اوتوز الی عدلی اعلام مرقوم حاجی ابراهیم اغا طرفندن تمیز اولمغله طرفینك اعتراض وجواب لایحه لریله برابر بالمطالعه تدقیقات تمیزیه اجراسنه ابتدار اولندی. اعلام مذکورک خلاصه مندرجاتی ملتزم مزبور مصطفی افندی نك کوکری اتمانندن غیر از استیفا مرقوم حاجی ابراهیم اغا ذمتده اوچیوز قرق غروش الاجنی اولدیغندن بخله تحصیلنی طلب و دعوی ومدعی ایله حاجی ابراهیم اغا دخی مدعابه اوچیوز قرق غروشدن ایکیوز یتش بش غروشی مدعی مزبور خيار محصولندن ایسته مکده ایسه ده اعشار نظامنامه سنك اوچنجی ماده سی موجبجه خيار محصولندن عشر النیه جغندن مدعینك مبلغ مزبوری کندوسندن آرامغه حتی اولمایوب آنجی متبائی التمش بش غروش سائر کوکری اتمانندن مدعی یه دینی اولدیغنی افاده وادعا ایملری اوزرینه اولابده اجرا قلنان محاکمه و تدقیقات نتیجه سنده بوبابده کی تعامل قدیمك نه مرکزده اولدینی حقدده مال قلمندن وقوع بولان استعلامه کلان جوابده نفس اینه کول قصبه سنده خيار محصولندن شمعی یه قدر اثر ذهول اوله رق عشر التماش ایسه ده ولایت ولواده عشر النوب مذکور محصولك عشره تابع بولندینی و بونك دخی اوچیوز یکریمی بش سنه سی ایلولنك یکریمی بشنده اعلان اولندینی بیلدیرلش اولسنه بناءً بجله نك اوتوز التنجی و اوتوز یدنجی ماده لری احکامنه توفیقاً مدعابه اوچیوز قرق غروش مرقوم حاجی ابراهیم اغان اذدن بالتحصیل ملتزم مصطفی افندی یه اعطاسنه حکمدن و مستدعی تمیز حاجی ابراهیم اغانك اشبو حکم علینده لایحه سنده محرر باشلوجه اعتراضی خيار تعبیر اولنان صلاته نك عشردن مستثنا اولدینی اعشار نظامنامه سنك اوچنجی ماده سی اقتضاسندن بولندینی حاله محکمه جه بوجه نظر دفته النیه رق برمنوال محرر قرار ویرلسی مغایر قانون اولدیغندن بخله اعلامك نقضی استدعاسندن ولایحه جوابیه مؤداسی دخی اعتراضات مسروده نك غیروارد اولدینی بیانندن عبارتدر .

ایجابی لدی المذاکره اعلام مذکور مآلندن مستبان اولدینی اوزره کیفیت برمنوال محرر تحت حکمه التمش ایسه ده عشری طلب ایدیلان خيار طول مدت طراوتی محافظه ايدر محصولاتدن اولادینی و بناءً عليه تعلیماتك اوچنجی ماده سنده کی مستثنیاتنه داخل بولندینی حاله محکمه جه عشر اعطاسنه قرار ویرلسی یواسز وقانونه

مخالف اولدیغنه بناءً اصول محاکمه حقوقیه قانوننك ایکیوز اوتوز ایکنجی ماده سی موجبجه اعلام مذکورک نقضیه قانون مزبورک ایکیوز قرق بشنجی ماده سی حکمنه توفیقاً کیفینك بالاصلاح اعلامه رابطی ضمننده محکمه مذکوریه اعاده سنه و دعوی واقع بشيوز غروشدن دون بولنسی حسیبله خرج تعرفه سنك ماده معدله سی موجبجه بالجمله رسوم تمیزیه نك تأجیلی لازم کلدور ایکن محلیجه خلاف تعرفه مستدعیدن اخذ اولنان اوتوز بش غروش قیدی ایله التمش بش بچق کفالت و یکریمی بچق غروش اوراق تمیزیه پوللری که جمعا یوز یکریمی بر غروشدن ماعدا زیرده مفرداتی مرقم اولوب تعرفه مذکور موجبجه حین اجراده التحق اوزره تأجیل اولنان ایکیوز یتش غروشله و پول بهاسی و خدمه اجرتی و جواب لایحه سی قیدی سی اوله رق اخذ اولنان جمعا یکریمی سکز غروشك مذکور یوز یکریمی بر غروشله برابر حقسز حقیقه جق طرفه عائد اولسنه فی ١٤ حزيران سنه ٣٢٦ تاریخنده قرار ویرلدی .

محكمة تمیز حقوق دائره سندن صادر اولان ٨ نیسان ٣٢٦ تاريخی و ٢٧٢٥ نومرولی اعلام صورتيدر :

« اصول محاکمه حقوقیه قانوننه توفیقاً اجرا قلنمیان جز معامله سی عقارک آخره فروخته مانع اوله میه جغندن بونك جز قانونی عدلیه فراغ واقعك بطلاننه قرار ویرلسی نقض حکمی مستلزمدر . »

یانیه ده ساکنه متوفی مهدی اغا قوقانه ورثه سندن زوجہ سی وورثه صغاری وصیه سی آسیه خاتم ایله متوفی احمد خلوصی افندی ورثه سندن مخدوملری عبدالله و شفقتی و دیگر مخدومی وصیر اوغلی حیرتی و صغیره قیزی خیریه خاتم وصیسی حیاتی افندیلر بینلرنده متکون دعوايه دائر ولایت مذکور استیفاف محکمه سندن ٢٧ تشرین اول ٣٢٥ تاریخی و اون عددی ایله ویریلان اعلام وصیه مزبوره آسیه خاتم طرفندن مدت قانونیه سی طرفنده تمیز اولمش و اوراق تمیزیه صورتلری علی الاصول دیگر طرفه تبایغ قلندینی حاله اعطاسی مقتضی جواب لایحه سی ویرلماش اولمغله یالکیز مستدعیه تمیزك اعتراض لایحه سی ایله بالمطالعه تدقیقات تمیزیه اجراسنه ابتدار قلندی .

اعلام مذکورک خلاصه مندرجاتی متوفای مومی ایله احمد خلوصی افندی نك حال حیاتنده متوفای مزبور مهدی اغا قوقانه ایله شریکی و کفیل دیگر مهدی اغا ذمتلرنده کسب قطعیت ایتش برقطعه اعلام موجبجه محکوم به الاجتنك تأمین استیفا سی ضمننده مدیون مومی الیه مادن مهدی اغانك عهده تملکننده اولوب بدل التزامدن دولایی خزینیه مرهون و حصه اعانه دن ناشی ده زراعت بانق شعبه سی طرفندن مجبور بولنان بر باب خانه نك بدل مزایده نضله سنه حجز وضعندن صکره دائره اجرا معرفیه ایکیوز یکریمی بش عدد عثمانی لیراسی مقابلده کندی عهده سنه حاله قطعیه سی اجرا قلندینی حاله مؤخرأ مدیون مومی ایله مدعابه

خانه‌ی رهیتدن بالتخایص بدل معلوم ایله شریکی و کفیلی مهدی اغا قوقانه بیع و فراغ ایلدیکندن فراغ مذکورک فسخ و ابطالی طلب و دعوی و مدعی علیهمادن دعوت واقعه‌یه اجابت ایدن مشتری مهدی اغده مدعابه خانه‌ی مدیون مزبورک خزینه‌یه اولان دینی تأدیه ایتک صورتیه رهیتدن بعدالتخایص قانون دائره‌سنده کندوسنه بالیمع معامله فراغیه‌سنگ اجرا قلندیغی مدافعه بیان وادعا ایلری اوزرینه جریان ایدن محاکمه و تدقیقات نتیجه‌سنده مدعابه خانه‌ک بدل مزایده فضله‌سی متوفی داین احمد خلوصی افندی طرفندن حجز ایله برابر دائرة اجرا معرفتیه لدی المزایده اکیوز کسور ایرا مقابلنده عهده‌سنده تقرر ایدرک احاله قطعیه‌سی اجرا و مدیونه صوک اخبارنامه‌سنگ معامله تبایغیه‌سی ایفا قلندقدن صکره مدیونه طرفندن زراعت بانک‌سینه اولان دین بالتأدیه فک رهنه آخره فراغ ایلدیکی آکلاشله‌سینه وانحق کیفیتک طابو اداره‌سنده محجوز املاک قیدینه اشارت ایتدیرلمسی محجوز املاک فروختی ایله منازعات تحدثنی منعدن عبارت تدابیر احتیاطیه‌دن اولوب بونک احکام اساسیه قانونیه‌یه حائز تأثیر اوله‌میه جنی درکار بولنسنه و داین طرفندن بدل مزایده‌دن فضله‌سینه حجز وضع اولمقله مدعی مزبورک مدعابه خانه‌یه حق تعلق ایدوب اشبو حجز مدیونک مذکور خانه حقنده تصرفات قولیه‌سنی سالب اولدیغنه بناءً بحالنه‌ک (۳۶۵) نجی ماده‌سی موجبجه اولابده‌کی بیعک فسخیه اعطاقلمان طابو سندینک ابطالنه دائر بدایه ویریلان اعلامک عندالاستیناف تصدیقنه حکمدن و مستدعیه تمیزک اشبو حکم عاینده لایحه‌سنده محرر خلاصه اعتراضی زوجی متوفی مهدی اغا مدعابه خانه‌ی اصول و قانونه توفیقاً مأموری حضورنده اشرا ایلدیکی مدعی طرفندن درمیان اولنان حجز استدعانامه‌سی دخی جانب محکمه‌دن رد اولمش اولدیغندن مذکور خانه حقنده برکونه بیع و فراغه مانع قید اولمادیغی حالده محکمه‌جه قانون دائره‌سنده تصدیق ایتدیریله‌مین حجزک معتبر عدلیه بروجه بالا انطای حکم اولمسی و بدایت محکمه‌سنجه مابه‌التطبیق اتخاذ قلنان ماده‌ک خصوص مذکوره شمولی اولمادیغی حالده محکمه‌جه ماده مذکورک دخی یا کاش تفسیر اولمسی یولسز و مغایر قانون اولدیغندن بحال اعلام مذکورک تقضی استدعاسندن و سالف‌الذکر مطالعه‌نامه مفادی ایسه مابه‌التطبیق اتخاذ قلنان بحال ماده‌سی وجهات سائر حقنده لایحه تمیزیه درمیان اولنان اعتراضاتک وارد و بجا ایدوکی بیانندن عبارتدر .

ایجابی مذاکره اولندقدن اعلام مذکور مألندن منفهم اولدیغی اوزره کیفیت بروجه محرر حکم و اعلامه ربط ایلدیش ایسه‌ده مومی ایله احمد خلوصی افندی‌ک اولابده‌کی حجز استدعانامه‌سی اوزرینه عقرار مدعابه اصول محاکمه حقوقیه قانونک حجز فصلنده محرر اصول و قواعد دائره‌سنده حجز وضع ایدلماش و بناءً علیه بونک آخره فروختی حقنده ممنوعیت قانونیه بولنلماش اکن محکمه‌جه معامله قانونیه‌سی ایفا ایلدیان استدعانک حجز قانونی عدلیه فراغ واقعک اطلاننه قرار ویرلش اولمسی یولسز و قانونه مغایر کورلش اولدیغندن اصول محاکمه حقوقیه قانونک اکیوز اوتوز ایکنجی ماده‌سی موجبجه اعلام مذکورک تقضیه قانون مزبورک اکیوز قرق دردیجی ماده‌سنگ فقره اولاسی حکمنه توفیقاً کیفیتک تکرار بالرؤیه اعلامه ربطی

ضمننده محکمه مذکوریه اعاده‌سینه وزیرده مفرداتی مرقم اوچیوز اللی سکنز غروش مصارف تمیزیه‌ک ایلروده حقسنز چیقه‌جق طرفه عائد اولسنه ۸ نیشان سنه ۳۲۶ تاریخنده اکثریتله قرار ویرلدی .

محکمه تمیز حقوق دائره‌سندن صادر اولان ۱۰ نیشان ۳۲۶ تاریخی و ۲۷۲ نومرولی اعلام صورتیدر :

« شهادت‌ایله دعوی بیننده باخود ایکی شهادت آره‌سنده ذکر ی لازم اولدیان خصوصاً زباده ویا نقصان بولمق جهتله وقوع مغایرت قبول شهادته مانع اولمادیغنه و ابرا زمانک شهود طرفندن بیان ایلدی لارم کلیه‌جکمه مبنی ابرایه شهادت ایدن شاهدلردن برینک ابرای ادعا ایدن طرفندن بیان ایلان تاریخندن مقدمه مصادف زمانده ابرایه شهادت ایتش اواق حسبیه شهادت واقعه ردایدیلرک یمن توجیه ایدلمی نقض حکمی مستلزمدر .

مجلس اعیان اعضاسندن توفیق پاشا حضر تریله کدک پاشاده نومروسز طوغرامه‌جی دکانده مقیم محمد اوسته بیننده متحدث دعوایه دائر درسعادت بدایت محکمه‌سی ایکنجی حقوق دائره‌سندن ۱۸ مارت ۳۲۶ تاریخ و یوز اوتوز عددی ایله صادر اولوب خرجی مشارالیه توفیق پاشا طرفندن ویرلکه مدت قانونیه‌یه تابع اولمایان اعلام مشارالیه طرفندن تمیز ایدلکه طرفینک اعتراض و جواب لایحه‌لر بالنطالعه تدقیقات تمیزیه اجراسنه ایتدار قلندی .

اعلام مذکورک خلاصه مندرجاتی مرقوم محمد اوسته‌ک مشارالیه توفیق پاشا ذمتنده طوغرامه ائمانندن الاجبی اولان بیک بشیوز غروشک تحصیل حقنده اقامه ایلدیکی دعوانک اولجه و جاهاً جریان ایدن محاکمه‌سی ائناسنده مدعی علیه وکیلی قدری بک موکلنک مبلغ مدعابه مذکور کور کمالاً ادا و تسلیم و مدعی‌ده موکلنک ذمتی ابرا ایتدیکنی بیان ایلش اولدیغی حالده بوجهتی مدعینک انکارینه قارشو اصولاً اثبات ایده‌مدیکی کبی تکلیف ایلدیکی یمنک بوصرده مدعینک مملکتنده اولمسی حسبیه استابه صورتیه اجرایی و مدعی علیه‌ک اثباتی بیننده حاضر بولمق اوزره بروکیل تمینی قرارگیر اولمش ایکن اخیراً نهوکیل مومی الیهک ونه‌ده موکل مشارالیهک اثبات وجود ایتاملری حسبیه وکیل مسخر تمینیه غیباً جریان ایدن محاکمه و تدقیقات نتیجه‌سنده هر تقدیر وکیل مسخر جانبدن انکار مدعا ایدلکده ایسه ادعای واقع مدعی علیه وکیلنک اقرارینه مستند اولدیغندن انکار مذکور شایان التفات کوریه مامسنه مبنی عندالاعتراض دفع مذکوره اصراری حالنده ایجابنه باقلمق اوزره مدعابه بیک بشیوز غروشک مع فائض مدعی علیه مشارالیه‌دن بالتحصیل مدعی‌یه اعطاسنه دائر صادر اولان اعلام غیابی حکمنه مشارالیه توفیق پاشا اعتراض ایتسی اوزرینه و جاهاً جریان ایدن محاکمه و تدقیقات نتیجه‌سنده معترض وکیلی مومی الیه قدری بک اولجه جریان ایدن محاکمه ائناسنده موکلنک کیه‌سی حسن افندی واسطه‌سیله مبلغ مذبور تأدیه اولنه‌رق مدعی مرقوم موکلنک ذمتی

ابرا ايلديكنى بيان وبوجهى مدعينك انكارينه مقارن اثبات ايددمديكندن مدعى مرقومك مبلغ مذكورى وكلى حسن افندى واسطه سيله اخذايه موكلتك ذمتى ابرا ايتديكندن ابراليا به تحليفك اجراسنى طلب ايتكله اولوجهه امرتحليفك اجراسى قراركير اولمش ومذكور يمينك بالنيابه اجرا ايلديكى اولبابده وارد اولان ضبطنامه مندرجاتندن اكلاشلمش وكچه معترض مشاراليه وكلى ده بوكره موكلى مدعیدن هر آرشونى اون اوج غمروش اولمق اوزره انحق يوزاون درت آرشون طوغرامه اعمال ايتديردىكي جهتله كشف اجراسنى طلب ايلمكده بولنش ايسه ده وكيل مومى اليه قدرى بك اولجه جريان محاكمه ائساننده مدعينك اساس دعواسنى تصديق ايله انحق تأديه وبرا دفعنده بولندينى ضبط سابقك تدقيقاتندن مستبان اولمقده بولنش ايدوكندن اوتق بويولده ادعاه بولمغه صلاحيتى اولهميه جفته مبنى اعتراض عرضحالتك رديله اعلام غيائى مذكورك تماماً تصديقه حكمدن ومستدعى تميزك اشبو حكم عليهنده لايحه سنده محررباشلوجه اعتراض مدعابه طوغرامه لرك مقدار ارشونندن دولانى فيئات ايله بدل استصناعده اختلاف موجود اولوب مقاوله نامه رسمى واهل وقوفك اخبار ومساحه سيله حق وعدالتك تظاير ايتديرلىسى طلب ايدلمش وفي الحقيقه ابرا ، اسقاطدن عبارت اولمغه دفعاً عدم ثبوتى فرض ايدلسه سيله مدعينك دعواسنك ثبوتى لازم كليوب طرفينك اساس دعوايه دائر اختلافك رؤيتى لازم كله جكسه وشرعاً بينه عادل يمين كاذبدن اولى بولنديغنه بناء شو حقيقت شرعيه خلافنده انواع اختلافاته معروض عقد استصناعك قانون وعدالت دائره سنده تدقيق ايدلمكسزىن بوجه محرر حكم ويرلىسى يولسز ومعاير قانون اولديغندن بختله اعلامك تقضى ولايحه جوابيه مؤداسى دخى سرد اولنان اعتراضاتك غيروارد اولديغى بيانيله ردى وموافق اصول وقانون اولان اعلام مذكورك تصديقى استدعاسندن عبارت بولنشدر .

ايجابى مذاكره اولندوقده اعلام مذكور مألندن مستبان اولديغى اوزره خصوص مدعا بوجه محرر محكمه جبه بالرؤيه اعلامه ربط ايدلمش ايسه ده اعلامك ائناى تدقيقنده مطالعه سنده لزوم كورينان اعلام غيائى دخى جلب ومطالعه اولندوقده ابرايه شهادت ايدن شاهدلردن برى مدعى عليه طرفندن بيان ايديلان تاريخندن مقدمه مصادف زمانده ابرايه شهادت ايتمش اولمق حسيله شهادت واقعه ردايدلمش اولوب حالبوكه شهادت ايله دعوى بيننده ياخود ايكي شهادت آره سنده ذكرى لازم اولمايان خصوصاً ده زياده ويانقصان بولمق جهتيله وقوع مخالفت قبول شهادته مانع اولماديغنه وبرا زمانك شهود طرفندن بيان ايدلمسى دعواى واقعه ده لازم كله جكسه كوره شهادت مذكوره شايان قبول ايكن قبول ايدلميه رك يمين توجيه ايدلمسى يولسز ومعاير قانون اولديغنه بناء اصول محاكمه حقوقيه قانونك ايكيوز اوتوز ايكنجى ماده سى موجبجه اعلام مذكورك تقضيه قانون مذكورك ايكيوز قرق درديجى ماده سى حكمنه توفيقاً كيفيتك بالرؤيه اعلامه ربطى ضمننده محكمه مذكوره به اعاده سنده وزيرده مفرداتى صرف ايكيوز الى اوج غمروش مصارف تميزيه نك ايلروده حقمز جيقه جق طرفه عائد اولمسنه ١٠ نيسان ٣٣٦ تاريخنده متفقاً قرار ويرلدى .

محكمه تميز حقوق دائره سندن صادر اولان ٦ حزيران ٣٣٦ تاريخلى و (٨٥٠) نومرولى اعلام صورتيدر :

« بر كيمسه فراغنى تمهد ايلديكى عقارى بالاخره فراغ ايتك اوزره بدلى اخذ ايدرك عقارى فراغ ايتامش اولديغى حالده بغير حق آلتان مالك صاحبته اعاده ايدلمى مقتضى ايدوكنه مبنى مأخوذى اولان مبلغى اعاده ايتمى بناء عليه خصومت متوجه اولمى لازم كلوركى خصومتك عدم توجهى يولنده قرار ويرلىسى نقض حكمى مستلزمدر »

اسكدارده احسانيه ده مقيم اسكدار توقيفخانه سى مأمورى راغب بك زوجة سى بهيه خانم ايله فاتح جوارنده قرولى مسجد جوارنده طويله زقاغنده ايكي نومرولى خانه ده ساكن محمد مخلص افندى بيننده متكون دعوايه دائر درسعادت استيناف محكمه سى حقوق قسمندن ويريلوب خرجى مزبوره بهيه خانم طرفندن بالا عطا اخذ واستحصال قلنان وبناء عليه مدته تابع اولميان ٩ مارت ٣٣٦ تاريخى وسكز عددى ايله ويريلان اعلام مزبوره بهيه خانم طرفندن تميز ايدلمكله طرفينك اعتراض وجواب لايحه لريله بالمطالعه تدقيقات تميزيه اجراسنه ابتدار اولندى .

اعلام مذكورك خلاصه مندرجاتى مزبوره بهيه خانمك بدستان عتيقك قولانجيلر قبوسى اتصاليده كائن طقسان بش نومرولى بر باب دكانى التى بيك الى يدى غمروش بدل مقابلنده بحسب الوكاله مومى اليه محمد مخلص بكدن تفرغ ايتمش وبدل فراغى تماماً تأديه وايفا ايتمش ايسه ده اليوم فراغ معامله سنى اجرادن امتناع ايلديكندن بختله مبلغ مذكورك مع فائض تحصيلنى درسعادت بدايت محكمه سى برنجى حقوق دائره سنده مراجعتله طب ودعوى وبرقطعه حجت شرعيه ابراز واعطا ومدعى عليه محمد مخلص بك دخى مبلغ مذكورى تماماً بايع على بكه اعطا ايتمش اولديغى كبرى مرقومك وفاتيله كندوسى وكالندن منعل اولديغندن فراغه صلاحيتدار اوله مديغى وبناء عليه مدعيه نك مبلغ مذكورى متوفانك ورثه سندن طلب ودعوايه حقى اوله سيله جككى مدافعه افاده وادعا ايتلمرى اوزرينه جريان ايدن محاكمه وتدقيقات نتيجه سنده متوفى على بكك مالى اولوب مدعى عليه مخلص بكك وكالتيله مدعيه بهيه خانمك اشترا وتقرع ايدم جكي دكانك بدل وسائر سى اوله رق مومى اليه مخلص بكه التى بيك الى يدى غمروش دفع وتسليم ايتمش ايسه ده فراغ معامله سى اجرا اولمقسزىن على بك وفات ايتمش بولنديغندن مبلغ مذكورك مدعى عليه ن تحصيلى طلب اولمقده اولوب حالبوكه مدعى عليه مومى اليه بك بدل فراغى موكلنى نامه قبض ايلديكى ومتوفانك دخى مبلغ مزبورى الدينى مبرز حجت مندرجاتيله ثابت اولمسنه بناء بختله نك بيك التى بوز اوتوز درديجى ماده سى موجبجه مدعيه نك بوبابده مدعى عليه قارشو خصومتى غير متوجه كورلديكندن مدعيه مزبوره نك مدعابه مذكورى ورثه ن مطالبه ده مخير اولمق اوزره اولبابده كى استدعاسنك ردينه دائر محكمه مذكوره دن ويريلان اعلامك عندا الاستيناف تصديقه حكمدن ومستدعى تميزك اشبو حكم عليهنده لايحه سنده محرر اعتراضاتك خلاصه سى مبلغ مدعاهى مخلص بك كندوسندن اخذ وقبض ايدرك معامله فراغيه ي اجرا

ایقامش وشو صورتله حقوق عقد عاقدہ راجع اولمغله برابر مبلغ مذکور بايع على بکک وفاتندن صکره کندوسی طرفدن ویرلمش اولدینی میدانده ایکن استیناف محکمه سنجه بورالری نظر اعتباره المنقصرین برمنوال محرر مغایر قانون اولان بدایت محکمه سی اعلامک تصدیقه قرار ویرلمی یولسز اولدیغندن بحثله اعلامک نقضی ولایحه جوابیه مؤداسی دخی اعتراضات مسروده نک واهی وبی اساس اولدینی بیانیله ردی وموافق اصول وقانون اولان اعلامک تصدیقی استدعاسندن عبارت بولمشدر .

ایجابی مذاکره اولندقدہ اعلام مذکور مألندن منظم اولدینی اوزره محکمه جه کیفیت برمنوال محرر حکم واعلامه ربط اولنمش ایسهده مدعی علیه مدعیه فراغی تعهد ایلدیکی عقاری بالآخره فراغ ایتک اوزره مدعیه مزبورده دن مبلغ مدعا بهی اخذ ایتدیکی حالده عقاری فراغ ایتامش وشو حالده مبلغ مذکور بلا بدل یلمدعی علیه قلمش وبونی اخذ ایدن مدعی علیه بولنمش اولسنه وبروجه محرر بغیر حق النان مالک صاحبه اعاده ایدلمی مقتضی ایدوکنه کوره مدعی علیه مدعیه دن مأخوذی اولان مبلغی اعاده ایتسی لابد و بناء علیه خصومتی متوجه اولوب بوبابده شخص ثالث آخذ وقابض اولمادیکی کی میدانده بر عقد قانونی دخی موجود اولامغله حقوق عقدک شخص ثانی عائدتی مسئله سی موضوع بحث ایتک غیر جائز ایکن بدایه خصومتک عدم توجهی یولنده لاحق اولان حکمک اسباب محررده دن ناشی خلاف قانون اولق ملا بسه سیله بالتسلیح محاکات لازمه بعد الاجرا تبیین ایدوکنه حاله کوره اعطای حکم اولسنی مقتضی اولدینی حالده استینافاً حکم مستأنف بهک تصدیقه قرار ویرلمی یولسز ومغایر قانون اولدیغندن اصول محاکمه حقوقیه قانونک ایکوز اوتوز ایکنجی ماده سی موجبجه اعلام مذکورک نقضیه قانون مذکورک ایکی یوز قرق دردنجی ماده سنک فقره اولاسی حکمنه توفیقاً کیفیتک صورت محرره دائره سنده یکیدن بالرؤیه اعلامه ربطی ضمننده قسم مذکوره اعاده سنه وزیرده مفرداتی مرقم اولوب اول و آخر مستدعیه تمیز بهیه خانم طرفدن ویریلان درت یوز قرق برحق غروش مصارف تمیزیه نک ایلروده حقسنر حقیقه جق طرفه عائد اولسنه ۶ خزیران ۱۳۲۶ تاریخنده متفقاً قرار ویرلدی .

محکمه تمیز حقوق دائره سنندن صادر اولان ۷ نisan ۳۲۶ تاریخلی و ۳۱۷ نومرولی اعلام صورتیدر:

« املاک ویرکوسنک صاحب ملک طرفدن تأدیسه لازم کلدیکنه واحکام قانونیه خلافتده عرف وعادت حکمسز اولدیغه دائر »

ناسلیج قضا سنده تابع لقوم قریه سی اها لیسندن طومه طنش واون برنفر رفقاسی ایله عابدین بک زاده کامل بک میانه لرنده متکون دعوایه دائر قضاء مذکور صلح محکمه سنندن ۱۸ کانون ثانی ۳۲۵ تاریخلی و اوچ یوز اون ایکی عددی ایله ویریلان اعلام مرقوم طومه طنش ورفقاسی طرفلرندن مدت قانونیه سی ظرفنده

مشتراً تمیز اولنمش واوراق تمیزیه صورتلری علی الاصول دیگر طرفه تبلیغ ایدلمش اولدینی حالده جواب لایحه سی ویرلامش اولمغله لایحه اعتراضیه ایله بالمطالعہ تدقیقات تمیزیه اجراسنه ابتدار اولندی .
مذکور اعلامک خلاصه مندرجاتی مومی الیه کامل بکک قریه مذکورده کائن اراضیک مستأجرلری بولنان مزبورون طومه طنش ورفقاسی ذملرنده اولبابده کی مقاوله شفاهیه وتعامل قدیم وجهله ویرکو بدلندن بهری ذمتده یوز یتش بشر غروشدن من حیث المجموع مطلوبی اولان ایکی بیک طقوز یوز یتش بش غروشک تحصیتی ومقاوله مذکورده حقنده بینه سی اولدیغندن استماعنی طلب ودعوی ایتسنه قارشومدعی علیه مرقوموندن انشی محاکمهده یورکی چارخاوارکی واسیل واستاروه فوطه دن ماعدا حاضر بولنان کسان دخی اشبو مقاوله یی انکار ومذکور ویرکوی ویرمه جهکلیخی افاده وازبار ایللری اوزرینه محکمه مذکورده جه مدعی مومی الیه طرفندن اقامه اولنان شهودک استماعی قرارکی اولدقدن صکره قسماً وجاهاً وبر درجهیه قدر غیاباً جریان ایدن محاکمه وتدقیقات نتیجه سنده طرفین بیننده بروجه ادعا مقاوله شفاهیه اجرا اولدینی لدی التذکیه عدل ومقبول الشهاده ایدوکلری اکلاشیلان شهود مستمعنک شهادتیه ثابت اولسنه مبنی مجله نک بیک بشیوز سکسان یدی و بیک سکسز یوز اون سکسزنجی ماده لری موجبجه مبلغ مدعا بهک مدعی علیه مرقوموندن علی الانفراد تحصینه حکمدن واشبو حکم علیهنده مستدعی تمیزلرک لایحه لرنده مندرج اعتراضاتک باشلوجه سی متعدد کساندن براسندعا ایله مطلوبات ادعای یولسز اولدیغندن بحثله اعلام مذکورک نقضی استدعاسندن عبارتدر .

ایجابی مذاکره اولندقدہ اعلام مذکور مألندن منظم اولدینی اوزره محکمه مذکورده جه هرنه قدر بروجه مشروح حکم اولنمش ایسهده املاک ویرکوسنک صاحب ملک اوزرینه تأدیسه لازم کلهجکی مجله نک بیک یوز الی ایکنجی ماده سننده مصرح اولسنه ومدعی علیه ایه ویرکوسی طلب اولنان املاکه متصرف بولمادقلرینه واحکام قانونیه خلافتده عرف وعادت حکمسز ایدوکنه بناءً اصول محاکمه حقوقیه قانونک ایکی یوز اوتوز ایکنجی ماده سی موجبجه اعلام مذکورک نقضیه قانون مزبورک ایکوز قرق دردنجی ماده سنه توفیقاً کیفیتک تکرار اعلامه ربطی ضمننده محکمه مذکورده اعاده سنه ومدعا بهک مجموعی اعتباریه دعوی خرجه تابع اولوب شو حالده محلیجه علی الانفراد حکم اولنان مقداره نظراً دعواک خرجدن استثناسی غیر جائز بولندیکی جهتله مستدعی تمیزلردن وقتیه نمایان قیدی و تبلیغیه خرجلی اولان التمش بش غروشک زیرده مفرداتی مرقم اولوب بوکره مستدعیلردن النان ایکی یوز الی برحق غروش مصارف تمیزیه سائر ایله ایلروده حقسنر حقیقه جق طرفه عائد اولسنه وفقط مذکور التمش بش غروشک بعدالتحصیل ایراد قید ایدلمس ۷ نisan ۳۲۶ تاریخنده متفقاً قرار ویرلدی .

محکمه تمیز جزا دأرہ سندن صادر اولان ۶ حزیران سنہ ۳۲۶ تاریخی و ۱۹۵۵ نومرولی اعلام صورتیدر :

« بر شخصک نشانوسیلہ خفیاً کوروشہ بیلمسی خصوصندہ کی عادت اشبو ملاقاتک صورت وزمان وقوعندہ خبردار اولمیان خانہ صاحبک لیلاً خانہ کیرمک استیانلرہ قاشو حائر اولدینی صلاحیت قانونیہ سنی اخلال ایدہ میہ جکینہ دائر »

ارضروم ولایتی استیناف محکمہ سی جزا دأرہ سندن صادر اولان ۱۷ جاذی الاول سنہ ۳۲۸ و ۳ مایس ۳۲۶ تاریخی و یوز اون طقوز نومرولی اعلام ایله اوراق متفرعہ سی باش مدعی عمومیک مأموریت علیہ سندن تصدیق طلبی حاوی ۳ جاذی الاخر سنہ ۳۲۸ و ۲۹ مایس سنہ ۳۲۴ تاریخی و بیک سکزیوز سکزی نومرولی تبلیغنامہ ایله محکمه تمیز جزا دأرہ سنہ اعطا اولمشدر .

اعلام مذکورک خلاصہ مالی اوچیوز یکرمی بش سنہ سی مارتک یکرمی برنجی کونی ارضرومک اورنوزی قریہ سندن رجب اوغلی افندینک کیفیت قتلندن دولای جنایتلہ اتهام اولنان قریہ مذکورہ لی سلیمان اوغلی قربانک محکومینہ دائر مقدما ویریلان اعلام عندالتمیز نقض اولنہرق اعادہ قانمسی اوزرینہ اخیراً اجرا قلنان محاکمہ علیہ سی نتیجہ سندن متهم مرقومک فعل مذکورہ جرأتی استماع قلنان شہودک مع الیمین و علی الدرجات وقوعبولان شہاداتی وطیب راپوری مندرجاتی ایله ثابت اولدیغندن اولوجهلہ مجرمیتنہ و حرکتنہ توافق ایدن قانون جزانک یوز یتش دردنجی مادہ سنک فقرہ اولاسنہ توفیقاً اون بش سنہ مدتلہ کورکہ قولسنہ حکم اولندیغندن عبارتدر .

کافہ اوراق دعوی مطالعہ ایدلکدن سوکرہ تدقیقات تمیزہ اجرا اولندقدہ کرچہ تبلیغنامہ دہ جریان محاکمہ سیلہ جہت تطبیقیہ سی حقندہ اعتراضہ محل کوریلہ مدیکی بیانیلہ اعلام مذکورک تصدیق طلب اولنیورسہ دہ بر شخصک نشانوسیلہ خفیاً کوروشہ بیلمسی خصوصندہ کی عادت اشبو ملاقاتک صورت وزمان وقوعندہ خبردار اولمیان خانہ صاحبک لیلاً خانہ کیرمک استیانلرہ قارشی حائر اولدینی صلاحیت قانونیہ سنی اخلال ایدہ میہ جکینہ وباخصوص مقتول افندی متهمک کریمہ سنک نشانوسی اولمایوب پنجرہ نک اطرافی سوکولمش بولمنسہ و قتلک باشقہ بر سببہ مستند اولدینی اتیان ایدلماسنہ نظراً جہات مذکورہ نک عندالماذاکرہ موضوع بحث ایدیلہ رک اکا کورہ تقدیر کیفیتلہ مدافعانک قبول ویا ردی حقندہ اعطای رأیدن ذہول وقوعہ کلی مخالف قانون و نقض حکمی مستلزم اولدیغندن اصول محاکمات جزائیہ قانونک اوچیوز اون دردنجی مادہ سی حکمنہ توفیقاً اعلام مذکورک نقضنہ و احکام قانونیہ دأرہ سندن ایفای معاملہ اولنق اوزرہ اوراقنک محلنہ اعادہ سنہ وایکیوز غروش اعلام خرجنک ایلرودہ حقسنر چیقہ جق طرفدن تحصیلنہ ۶ حزیران سنہ ۳۲۶ تاریخندہ قرار ویرلدی .

محکمه تمیز جزا دأرہ سندن صادر اولان ۳۱ مایس سنہ ۳۲۶ تاریخی و ۱۹۰۵ نومرولی اعلام صورتیدر :

« معاینہ راپورینک اعلامہ عیناً درج ایدلماسی و راپورده مقتولک تأثیر ضرب ایله دماغک صارصلہ سندن دولای وفات ایلدیکی کوسترلمسنہ نظراً راپور مندرجاتی نظر دقتہ آلنہرق کیفیتک حل و تعینی مقتضی ایکن ذہول ایدلسی نقض حکمی مستلزمدر »

صاروخان سنجانی بدایت محکمہ سی جزا دأرہ سندن تنظیم واعطا قلنان ۹ جاذی الاولی سنہ ۳۲۸ و ۵ مایس سنہ ۳۲۴ تاریخی وایکی یوز التمش سکزی نومرولی اعلام ایله اوراق متفرعہ سی باش مدعی عمومیک مأموریت علیہ سندن تصدیق طلبی حاوی ۳۰ جاذی الاولی سنہ ۳۲۸ و ۲۶ مایس سنہ ۳۲۶ تاریخی و بیک بدی یوز یکرمی ایکی نومرولی تبلیغنامہ ایله محکمه تمیز جزا دأرہ سنہ اعطا اولمشدر .

اعلام مذکورک خلاصہ مالی اوچیوز یکرمی بش سنہ سی ایلونک یکرمی بشنجی کونی الاشہر قضا سنک کرالی قریہ سندن حاجی مصطفی اوغلی ابراہیمی قتل ایلدیکی ادعاسندن دولای جنایتلہ اتهام اولنان قضای مذکورک اقشار قریہ سی اہالی سندن محمد اوغلی عثمانک اجرا قلنان محاکمہ علیہ سی نتیجہ سندن متهم مرقومک بالنزاعہ قتل مذکورہ جرأتی اولابادہ مع القسم استماع اولنان شہودک شہاداتی وضبط ورقہ سی وطیب راپوری مندرجاتیہ ثابت اولدیغندن مجرمیتنہ و حرکتنہ توافق ایدن قانون جزانک یوز یتش دردنجی مادہ سنہ توفیقاً اون بش سنہ مدتلہ کورکہ قولسنہ حکم اولندیغندن عبارتدر .

کافہ اوراق دعوی بعدالمطالعہ تدقیقات تمیزہ اجرا اولندقدہ کرچہ تبلیغنامہ دہ اعلام مذکورک موافق اصل و قانون اولدیغندن بحثلہ تصدیق طلب اولنور ایسہ دہ شہودک تعریفات قانونیہ دأرہ سندن تحایف واستماع اولندقلرینک نہ ضبطنامہ دہ ونہ دہ اعلامدہ کوسترلماسی و معاینہ راپوری اعلامہ عیناً درج اولنمادیکی کبی راپورده مقتولک تأثیر ضرب ایله دماغک صارصلہ سندن دولای وفات ایلدیکی کوسترلمسنہ کورہ اشبو راپور مندرجاتی حین مذا کردہ لایقیلہ نظر دقتہ آلنہرق اکا کورہ کیفیتک حل و تعینی مقتضی ایکن بوندن دہ ذہول ایدلمش اولمسی مخالف قانون و مستلزم نقض اولغلہ اصول محاکمات جزائیہ قانونک اوچیوز اون دردنجی مادہ سنہ توفیقاً اعلام مذکورک نقضنہ و احکام قانونیہ دأرہ سندن ایفای معاملہ اولنق اوزرہ اوراقنک محلنہ اعادہ سنہ وایکیوز غروش اعلام خرجنک ایلرودہ حقسنر چیقہ جق طرفدن تحصیلنہ ۳۱ مایس سنہ ۳۲۶ تاریخندہ قرار ویرلدی .

معاملات انتہایہ

ایدین ولایتنہ تابع قرق اغاج بدایت محکمہ سی اعضاسندن مستطقی اخلیف افندینک ، فعل شنیع

جرمندن دولایي مظنون علیه دوقطور آریستیدینک خلاف قانون تخلیه سیله فرارینه سببیت ویرمسی صورتیه وظیفه سنی سوء استعمال ایلدیکی امور جزائییه دائره سنجه تدقیق اولنان تحقیقات اوراقدن نمایان اولمسنه وحرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتیه النسنه عدلیه نظارت جلیله سندن امر مأذونیت اعطا اولمشدر .

*

قونییه ولایتیه تابع اسپارطه مدعی عمومی معاون لاحق وقلعه سلطانیه معاون سابق نشأت افندینک بخور نامنده بر شخصی ضرب ایدن قاعه سلطانیه محاسبه باش کاتبی لطفی واورمان سرمقششی صالح افندیلر حقنده تعقیب قانونیه یی ایضا اتمیه رک وظیفه سنی سوء استعمال ایلدیکی امور جزائییه دائره سنجه تدقیق اولنان تحقیقات اوراقدن نمایان اولمسنه وحرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتیه النسنه عدلیه نظارت جلیله سندن امر مأذونیت اعطا اولمشدر .

*

ادرنه ولایتیه تابع معقره مدعی عمومی معاونی کمال الدین افندینک ، آشچی خزاروس نامنده بریسی ضرب ایتدیکی و مساوی سائرده یی امور جزائییه دائره سنجه تدقیق اولنان تحقیقات اوراقدن نمایان اولمسنه وحرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتیه النسنه عدلیه نظارت جلیله سندن امر مأذونیت اعطا اولمشدر .

*

چینه قضایي جزا ریسی شکری افندینک، فعل شنیع اجراسنه تصدی ایتدیکی امور جزائییه دائره سنجه تدقیق اولنان تحقیقات اوراقدن نمایان اولمسنه وحرکت واقعه سی مسئولیت قانونیه یی مستلزم بولمسنه بناءً مومی الیهک محاکمه آلتیه النسنه عدلیه نظارت جلیله سندن امر مأذونیت اعطا اولمشدر .

*

اشمه قضایي بدایت محکمه سی اعضاسندن مستطابق اسماعیل افندینک ، خلاف قانون معامله یی اجتناسار ایتدیکی امور جزائییه دائره سنجه تدقیق اولنان تحقیقات اوراقدن نمایان اولمسنه وحرکت واقعه سی مسئولیت مستلزم بولمسنه بناءً مومی الیهک محاکمه آلتیه النسنه عدلیه نظارت جلیله سندن امر مأذونیت اعطا اولمشدر .



قسط غیر معمولی

مسئله حقوقیه نك جوانی

خصوص مذکور حقنده فتوی خانه عالییه مراجعت ایدیلرک اوراده کی علما وفقهاء کرام حضراتنک مطالعه قیمتدارلری سو آل اولندقدن جواب مذکور دفع اولدینی بی اشتباه بولندینی افاده بیورلمش و آتی الذکر فتوی شریفه ایله نقل عربی اعطا اولمشدر .

صورت فتوی شریفه :


زید عمرودن ساکه قرض اولمق اوزره شو قدر غروش ویرمشیدم ویر دیو دعوی ایتدکده عمرو کرچک سن باکه اولقدر غروش ویردک لیکن بکره ویر دیو امر ایتدکده بن دخی مبلغ مزبوری بکره ویردم دیو دعوی ومدطاسنه اقامت بینه ایلسه زیدی دفعه قادر اولورمی ؟ الجواب اولور .

صورت نقل :

ادعی علی آخر وقال انی دفعت الیک عشرة دراهم قرضا فقال نعم دفعت الی ولیکن امرتی ان ادفعها الی فلان وقد دفعت الیه واقام البینه فهذا دفع صحیح عمادیه فی السابیع

محکمه تمیز حقوق دائره سی ریسی

علی میر



اسباب نقضیه

— اون دردنجی نسخه دن مابعد —

اخبار ماده ایدن شاهدلرک افاده لرنده کوریلان مبیانت واختلاف وتناقض ضبط ایدلماش و محکوم طرفندن کندی لهنده اخبار کیفیت ایدجک شاهدلرک استماعی رئیس محکمه طرفندن طلب اولندینی حالده جلب واستماع اولنماش اولمسی ۲۶۹ نجی و ۲۷۳ نجی ماده لر احکامنه مغایر بولندیغندن و شاهدلرک افادات متباینه لری حقنده اجرای تدقیقات ایله حقیقت حاک ظاهره اخراجی لازمه دن ایکن محکمه جه بورالری اصلا نظر اعتباره التدیغندن اعلامک تمیزاً نقضه قرار ویرلمشدر .

كذلك جرم مدعاه حقه محكمه استينافدن ويريلان اعلامك تصديق وتحقيقات واقعه نك نقصانيندن ناشى نقي
جهتند محكمه تميزجه تساوى آرا حاصل اولغله محكمه تميزك هيئت عموميه سنده لى التدقيق محكمه استيناف
حكمتك استناد ايتديكى شاهدلك اول آخر اجرا قلنان استجوابلرند يكدىكرينه مابين وقوعبولان افاده لرى
اوزرينه تدقيقات لازمه نك عدم اجراسيله اعتراضات سائر دخی اسباب نقضيه قانونيه دن بولنديغنه مبنى حكم
واقعك نقضنه اكثريت آرايله قرار ويرلشدر .

ماده مشروح بها مندرجاته كوره شهود مستمعك شهادات واقعه سيله افادات سابقه سى بيننده ظهورايدن
اسباب مبايتك تحقيق واستيضاحيله ضبطه كچرلمسى لازمه دن ايسده اخيراً جريان ايدن محاكمه استينافيه ده
بدایه مع القسم وقوعبولان افاده مضبوطه لرى انكار ايدن شاهدلك اخبار اولارندن نكوللرى مقبول ومعتبرميدر؟
بوکا دائر محكمه تميز هيئت عموميه سندن اصدار قلنان اعلام ايله مسئله مبحوث عنها بوجه آتى حل
وتفسير ايدلشدر .

شاهدلك مقدما استجوابنامه لرند محرر منوال اوزره جرم واقع حقننده بدایه اداى شهادت ايتشار
ايكن محكمه استينافيه ده طرفين بيننده تكون ايدن دعوای جزائيه دن اصلا معلوماتلرى اولديغنى بيان ايله
اجراى شهادتدن استنكاف ايتلرى اوزرينه محكمه ديكر شاهد استماعنه قرار ويردرك جلب ايتمش و بناء عليه
شاهدلك افاده متباينه لرى اوزرينه اشبو ٢٦٩ نجى ماده موجبنجه محكمه استينافيه ده اجراى تدقيقات اولنسى
لازمه دن بولنديغى حالده تحقيقات مقتضيه اجرا اولنقسنزين اعلام ابتدائى تصديق اولنسندين واساس اعتراض
دخی بو جهته مبتى بولنسندين ناشى اعلام استينافينك نقي وبدایت محكمه سى اعلامك مندرجاتى محقق
عد اولنه جنى جهته شاهدلك محكمه بدایت حضورنده وقوعبولان شهادتلرى مقبول ومعتبر اولديغنه ومؤخراً
شهادت سابقه لرى انكار ايللرى شايان قبول اوله ميه جغه بناء اجراى تدقيقاته محل اولمامله اعلام لاحقك
تصديقي رايلىرند محكمه تميزجه تساوى آرا وقوعنه مبنى محكمه تميزك هيئت عموميه سنده لى المذاكره
شاهدلك اولجه بدایت محكمه سنده مع القسم وقوعبولان افاده واخبارلرى بدایت محكمه سى اعلامنده مندرج
اولديغى وبر كيمسه نك حضور حاكمه بر خصوصه شهادت ايتمش ايكن مؤخراً نكولى اولبابده لاحق اولان
حكمتك بطلا نى موجب اوليه جنى جهته شاهدلك استينافاً تحویل لسان ايله شهادتدن نكول ايللرندن
طولاي يكدىدن اجراى تحقيقاته محل اولديغندن اعلام استينافينك تصديقه اكثريت آرا ايله قرار ويرلشدر .
زمان وقعه نك تعيينى امرنده شهود مستمعك بعضيارينك بيانات واقعه سى بيننده كوريلان مبايت اسبابك
تحقيق وتاليفى جهته كيدلامسى .

حقوق عموميه شاهدلرندن بر طاقنك اول و آخر وقوعبولان افاده وشهادت متباينه لرى اره سنده ظهور
ايدن اختلاف اسبابك كندولرندن استيضاحيله تدقيق وتلفيق اولنلامسى .

شاهدلك يكدىكره مابين اولديغى مدافعه درميان ايديلان استنطاقنامه ده محرر افاده واخبارلرينك نهدن
عبارت اولديغك اعلامده كوسترلامسى اسباب نقضيه جمله سندر .

٢٧٠ نجى ماده احكامنجه كرك شاهددن وكرك متهمدن لازم كلان سؤال رئيس محكمه طرفندن ايراد
اولنسه بو حال نقضه دال اولور .

متهمك شاهده خطاباً ايراد ايتديرك ايتديكى اسئلة واستيضاحاتك نظر اعتباره انخيرق جوابسز ومسكوت
عنه براغلمسى حق مدافعه خال كتوره جكدن نقض حكمتى مستلزم احوالندبر .

شاهده ايراد اولنه جق سؤالك نتيجه بخش ومفيد اولوب اولماديغى مسئله سى حقنده مدعى عمومى ايله
وكيل مدافع بيننده ظهور ايديله جك اختلافك حل وتدقيق محكمه يه عايددر .

اعضای محكمه دن برى ويا مدعى عمومى دخی رئيس محكمه دن مساعده استحصاليله ايراد سؤال ايديله بيلور
وشايد رئيس محكمه مساعده ايتك ايتتمزسه نقض حكمتى موجب اولور .

اشبو ماده قانونيه نك فقره اوليسى موجبنجه بر جنایت دعواسنك اثنای محاكمه سنده رئيس محكمه نك
شاهدلك حقنده شهادت ايتديكرى شخصك حاضر بالمجلس اولان متهم اولوب اولماديغى ومتهمك دخی شاهدلك
حقنده ديه جكى بولنوب بولنديغى صورمى اقتضا ايلر . عكسى حال صدور ايدن اعلامك نقيضى ايجاب ايدر .
٢٧٠ نجى ماده اقتضاسنجه محكمه رئيسى جانبندن شاهدلكه ، حقنده اداى شهادت ايتديكرى شخصك
حاضر بالمحاكمه اولان متهم اولوب اولماديغى صورالامش ومتهم دخی شاهدلك حقنده نه ديه جكى وبو بابده بر
طعن واعتراضى اولوب اولماديغى سؤال اولنلامش ايدوكنه مبنى بو مثللو اعلامك نقضنه تميزاً پك چوق
قرارلر اعطا اولنلشدر .

برجرمك تحقيق ضمننده استنطاق دائره سنده استجواب اولنان شاهدلك وفاتلرى وقوعبولوبده محاكمه
عليه ده ومتهم مواجهه سنده استماع شهادتلرى قابل اوله مدني تقديرده بولنرك استجوابنامه لرده مضبوط شهادت
تحريره لرى قرائتله بالاكتفا سائر كونه دلائل وامارات تحرى اولميه رق ومدافعات واقعه تدقيق قلميه رق
نقصانى تحقيقاته مبتياً حكم اعطا اولنسى موافق قانون اوله ميه جفندن اعلام لاحق نقض اولنور
شوبله كه :

متهمك جرم واقعى منكر بولنديغنه وبو فعلك كندوسندن صدورى حقنده ده بر كونه دايمل واماره
بولنوب ثبوت ماده اخباراته منحصر قالدیغنه مبنى شاهدلك يالكيز مضبوط اولان افاده لرینك قرائتيله حكم
اعطاسى قانوناً جائز اوله ميه جفندن اعلامك نقيض وشاهدلك عندالحاكمه استماعلرى امكان خارجنده اولديغنه
وشهادتلرى مستنطق حضورنده وقوعبولوب مستنطقلر ايسه قرارنامه اعطاسنه قانوناً مأمور اولدقلى
حاکمیت صفتى حائز بولندقلرندن طولاي حضورلرند وقوعبولان شهادتك معتبر اوله جغه بناء شهود
مستمعك استجوابنامه ده مضبوط اولوب قرائت اولنان افاده لرى اوزرينه حكم اعطاسى موافق قانون

اولديغندن اعلامك تصديقي جهتلرنده محكمه تميز جزا دائره سنجه تساوي آرا ظهور ايتسييله حسب القانون خصوص مذکور محكمه تميزك هيأت عموميه سنجه بالندا کره اولبايده کی اعلام بروجہ محرر نقض اولمشدر . اصول محاکمات جزائیه قانوننک محاکمه و حکم و تنفيذ بياننده اولان فصل خامسنده مندرج مواد متعاقبه احکامنه نظراً شهودك هر حالده عندالحا که متهم مواجهه سنده اصولنه توفيقاً بعدالتحليف استجواب اولملری و بونلرک ذات و شهادتلى عليه متهم طرفندن وقوعبوله جق طعن و اعتراضات اوزرينه اجرای تدقیقات ایدلمسی مقتضى ولايد اولديني حالده شاهدلرک وقوع و قاتلریله جلب و استماعلى ممکن اوله مامسنه مبنی شهادت مضبوطه لرینک قرائتیه اکتفا اولندرق ثبوت جرمی قرائن قاطعه درجه سنه ایصال ایده جک سائر کونه دلائل و اماراتک تحری و تحقیق جهتنه کیدلکسزین نقصان شهادته ابتناء اعطای حکم قانونه موافق کوریلهدیکندن اعلامك نقضنه قرار ویرلشد .

مدافعه وکیل طرفندن شهود مستمعنه ذات و شهادتلى حقنده اثنای محاکمه سرد اولنان مدافعات قانونیه نک نهدن عبارت بولنديغنک اعلام ایله محاکمه ضبطنامه سنده تصریح اولنماسی و بو اعتراضات اوزرينه تدقیقات لازمه نک اجراسیله مذاکره جریان و اسباب موجه بیان ایدلماسی کی نقصانلر حقوق مدافعه و اساس محاکمه نخل کورنگکه اولبايده کی اعلامات حکمیه نک اشبو ۲۷۰ نجی ماده احکامنه توفیقاً نقضی محكمه تميزك جمله مقرراتنددر .

شوراسی ده معلوم اولسون که شاهدك كرك ذاتی و كرك شهادتی علیه عندالحا که سرداولنه جق اعتراضات ردیه ، مدافعات قانونیه طرزنده اولمیدر . یوقسه بونلرک شهادت زوری مرتکب اولدقلری ۲۸۱ نجی ماده شرحنده بیان اولنه جنی اوزره تبیین ایتکسزین کندولرینه اسناد کذب ایله « بو شاهد یلانچیدر و شهادتی کاذبدر » کی تعییرات تجاوز کارانه استعمالی نظر قانونده تجویز اولنه میه جغندن متجاوز اولان وکیل حقنده تأدیبات قانونیه ترتیبی طبیعت مضاحت ایجابندن ایسه ده تجاوزلسان هانکی محكمه حضورنده وقوعبولش ایسه لازم کلان معامله قانونیه نک اجراسی دخی اشبو قانونك ۱۶۵ نجی و ۴۰۵ نجی ماده لرنده کوسترلدیکی وجهله ینه اول محكمه یه عاندر عکس معامله نقض اعلامی موجب اولور . اولبايده محكمه تميزدن ویریلان قرار اسباب آتیه یه مبتنی ایدی :

دعوی کیلرندن برینک محكمه جنایتدن وکالة مدافعه ایتدیکی دعوانك محاکمه سی انساننده شاهدلردن بعضارینه کذب دیو علناً حقاتر ایلدیکی اجرا قلنان محاکمه جنایتك ضبطنامه سیله تحقیق ایلدیکندن قانون جزانك ۲۱۴ نجی ماده سنه توفیقاً محکومیتنه دائر بدایه ویریلان قرار استینافاً تصدیق اولمش ایسه ده اصول محاکمه نک ۲۴۹ نجی ماده سی موجب سنجه وکیل محكمه جنایتده اجرا ایتدیکی مدافعه انساننده وقوعی ادا اولنان تجاوز ماده نک فصل و حکمی ذکر اولنان ۱۶۵ نجی و ۴۰۵ نجی ماده لر احکامنجه محكمه جنایتك حقوق و وظائف قانونیه سندن بولنه جغه دائر اولان اعتراض بجا کورنمش اولديغندن بوجهندن دولای نقضنه محكمه تميزجه قرار ویرلشد .

ماده مبسوطه احکام مندرجه سنی توضیح ایچون تفسیر و تشریح معانی سی صدندنه بعض مؤلفلرک خامه ران بحث و بیان اولديغمز افکار صائبه و اقوال راجحه نقدانه لرینی بوراده جمع و تالخیص ایدلم : اصول محاکمه ججه نواقص آتیه نک اسباب نقضیه جمله سندن بولندينی متفق علیهدر . انلرده شونلردر .

۲۷۰ نجی ماده موجب سنجه شاهدلره ادای شهادت ایتدیکی متهمدن مرادی حاضر بالجناس اولان متهمیدر دیه رئیس طرفندن سؤال اولنماسی و شهود مستمعنه ذات شهادتلى علیه طعن و اعتراضاتی اولوب اولنديغنک متهملردن استفسار قلنماسی .

ادعا شهودی علیه متهم طرفندن عندالحا که وقوعبولان مدافعاتک رد و یا قبولنه دائر قرار ویرلماسی . شهادت اساساً تحزری و انقسام قبول ایتزایکن بر شاهدك متهملردن برینک مجرمیتنه اساس اتخاذ قلنان شهادت واقعسنگ دیکر متهمك اسباب موجه کوسترلکسزین برائتته مدار حکم عد ایدلمسی .


اخیراً استماع اولنان شهوددن برقمی حقنده نه دیه جککنک متهمدن صورللماسی . اقسام محاکمه ده استجواب ایدیلان شاهدلره قارشى وقوعبوله جق طعن و جوابك متهملردن استفساریله حق مدافعه یه تعلق ایدن شونقطه مهمه یه رعایت اولنماسی .

ذات و شهادتلى علیه اولاطمن وقوعبولان شاهدلردن برینک سن شیخوختی کی بعض اعذار وجودیه سندن ناشی تکرار جلبدن صرف نظرله استنباه طریق قانونی سنه مراجعت اولنقسزین افاده استنطاقیه سنگ قرائتیه اکتفا اولنسی نقض حکمی مستلزمدر .

۲۷۱ نجی ماده دد تقييد اولندينی اوزره برشاهد رئیسك امری اولقسزین نصلسه محكمه دن چقمش اولورسه عدم انتظامی ایجاب ایدن بو حال اسباب سائر نقضیه منضم اولدينی حالده حکم واقعك منقوضیتی طبیعیدر . ماده مشروحه ده شاهدلرک خروجی حقنده صورت انتظامی تعیین ایدن احواله دائر نواقصدن ماعدا اصول محاکمه ججه اجراسی لازم کلان احکام و قواعد قانونیه دن اکثریتسنگ اجرا ایدلماش اولمسندن ناشی اولبايده کی اعلامك نقض اولنديغنک محكمه تميزجه امثالی واردر .

محكمه تميز اعضا سندن

طلعت



— مواد حقوقیه ده نقل دعوا یه دائر —

استيضاحه جواب

مواد جزائیه ده نقل دعوی حقنده جریان ایدن اصول و معاملاتدن و محكمه تميزجه اتخاذ اولنان مقرر ایدن باحث و جريدة عدليه نک التتبی نسخه سنده مندرج مقاله ده دعوی حقوقیه نک نقلنه مساع قانونی اولمیدنی بسط و بیان اولنمیشیدی .

اصول محاکمات جزائیہ قانونمند تعیین ایدیلان نقل دعوی فصل مخصوصی احکام مندرجه سنک دعاوی حقوقیه جاری و مرعی اوله میه جنی اصول محاکمه حقوقیه قانونمند بوکا دائر قید و صراحت بولنامه سیله استدلال اولنور .

قانون مذکورک (۴۹) نجی ماده سی ایجابجه اسباب قانونیه دن طولانی بردعوانک برمحکمه دن دیگر محکمه یه نقل و حواله سی طرفیندن بری جانبدن محاکمه کیریشلمزدن اول استدعا اولمق و یا طرفینک موافقتلری حاصل اولمق کی قیود قانونیه ایله مشروطدر .


دستورک برنجی جلدنده مندرج اولان دیوان احکام عدلیه نظامنامه داخلیسنک موضوع بحث ایدلک ایستیلان برنجی ماده سنک اگرچه بردعوانک دردست رؤیت بولان محکمه ده تدقیق و فصلی غرض و صحتدن سالم اوله میه جنی حقه شهیه قویه حاصل اولور و یا اول محکمه ده رؤیتی آسایش عمومینک اخلاقی موجب اوله جنی اکلاشیلور ایسه آخر محکمه یه حواله سی محکمه تمیزک وظائفی تشکیل ایدن مواد جمله سندن بولنش ایسه ده اصول محاکمه و تشکیل محاکم قانونلرینک نشری اوزرینه نظامنامه مبحث عنها حکمی دخی مابه الاستاد عد اولنه من .

واقعا قوانین عدلیه نیک تفسیر و تطبیق قاننده احاطه کلیه حاکمانه سی حیرتس اثار مؤلفین اولان فضیلت نهادن علم حقوقک افکار عالیه سنه کوره اشتکاعن الحکام ورد اعضا کی اسباب قانونیه دن ناشی محکمه نیک تشکیلی قابل اوله مامق و یا خود محل آسایش بر حال واقع اولمق مثلاً اسبابدن طولانی دعوی حقوقیه نیک دخی طوغریدن طوغری یه مدعی عمومیلرک و یا خود بلا شرائط احد طرفینک مراجعتی اوزرینه محکمه تمیز قرار یله عین درجه ده دیگر محکمه یه نقل اوله بیلیمسی مناسب کوریلور ایسه ده محکمه تمیزجه شمیدی به قدر جریان ایتمکده بولان اصول و تعامله نظراً مواد حقوقیه ده شمیدی کی حالده نقل دعوی حقه ده معامله اجرایی جائز کور یله مامکده در .

حاکم منفرد اصولنه توفیقاً تعیین مولی خصوصنک صدد بخمزه جهت تعالی یوقدر .
ایشته استفسار مطالعه اوزرینه تصویر و تشریح مسئله اولندی . مع مافیه احوال مائلده مقتضای حاله کوره توفیق معامله ایسه ایشک جهت جامعه سنه و روح و مقصدینه نفوذ ایدن بر نظر حکیم ایله نبض دعوی الاله رق بالتدقیق مزاج مصلحتده کی فساد و صحتی تمیز و تفریق ایتک مزیتله تفسیر قانونینک مرجع اقصای اولان محکمه تمیزک تقدیرینه متوقدر .

محکمه تمیز اعضا سندن

طلعت



استنطاقک صورت اجراسنه دائر بعض قواعد اساسیه

— اون دردنجی نسخه دن مابعد —

۶۸ — امر توقیفده جرمک نوعی مظنونک مالک وسیرتی واحوال سابقه ولاحقه سی و بر طرفه فرار و تحقیقاتک صور جریان و یا جرمک آثار مادیه و دلائل ثبوتیه سی اخلاص اجتناس و جنایت ایتاعی تکرر ایدم بیلیمسی کی بعض احوالک موجود و عدم موجودیتی و دلائل و اماراتک ماهیتی نظر دفته آلنه رق توقیف قرارینک اعطا و یا عدم اعطای مستطقق تقدیرینه منوط بر کیفیت اولدینی و کندوسی ده فراری بولندینی حالده در حال احضار و متعاقباً توقیف مذکورسی اسطاردن ذهول ایله کویا بو قیل جنایات مهمه ده دخی ابتدای امرده هر حالده جلب مذکورسنک تبلیغیه اکتفا سی ضروریات قانونیه دن ایشجه سنه اولا جلب مذکورسی تبلیغیه ابتدار و آرده آیلرجه زمان مرورندن صکره توقیف صلاحیتی استعمال ایدلیدی و حتی بعضاً جنایتلر لزوم محاکمه سنه قرار ویرلدیکی حالده بیا یه ینه توقیف صلاحیتی استعمال ایدلیمکده اولدینی اوراق تحقیقه نیک جمله مندرجاندن آکلاشلمقده اولدیندن احکام قانونیه دائر سننده معامله اجراسنه اهتم ایدلیمدر .

۶۹ — حق مدافعه بر مظنون ایچون مقدس اولمسنه و فرار و غیوبت کی میدانده بر سبب مجبر بولنادینی و او قضا داخنده اقامت ایتمکده اولدینی حالده مظنونک جلب و استجوابندن فراغت غیر جائز بولمسنه مبنی افاده و مدافعه سی استماع و ضبط ایدلیمکسزین تحقیقاته ختام ویرلمالی .

۷۰ — بر مستنطقه تودیع اولنان بر ماده جرمیه تحقیقاتی مساع قانونی دائر سننده یعنی اصول محاکمات جزائی قانوننک آتش دردنجی ماده سی موجبجه مستنطق جرمک وقوع بولدینی و یا مظنون عایهک اقامت ایتدیکی و یا بولنه بیلجهکی محللر مستنطقلرندن اولنادینی تقدیرده خارج از صلاحیت قرارینی ویره بیایر یوقسه بواوچ حالدن برسی موجود اولدجه تحقیقات اجرایی صلاحیت قانونیه سی خارجنده اولدیندن بالبحث دیگر محل مستنطقه کوندرمک و او محل مستنطقی دخی اجرای تحقیقاتک کندی صلاحیتی خارجنده اولدینه قرار اعطایی صورتیه حل اختلاف ایچون مرجعه سوقله تحقیقاتک تأخرینه و بعضاً ده ایشده موقوف وار ایکن بو صورتله امتداد موقوفیه سببیت ویرمک موافق معدلت اولنادینی کی خصوصیه مظنوناً سوق و تسلیم اولنان بر شخص حقه ده اساساً تحقیقات اجرایی صلاحیت قانونیه سی جمله سندن اولمسیله موجب توقیف بر حال و دلیل موجود اولدینی حالده صلاحیت توقیفی استعماله و عکس تقدیرده حال سربستیده قالمسی ایچون برقرار ایتدینه مستنطقک مجبوریات قانونیه سی موجود ایکن بعض احتمالات و اسباب موهومه یه قایلهرق اوراقک قانوناً اجرای تحقیقاته اساساً حائر صلاحیت اولنان دیگر بر محل مستنطقه ارسال و تحت نظارتده بولنان

مظنون ایچونده توقیفنه قرار اتخا ذینہ محل کورمکسزین محفوظاً برلکده تسیارکی بعض محال مستطقلرینک معامله سنه شیه یولسزلغه میدان ویرلیه رک بوکی احوالده احکام قانونیه دائرہ سنده اتخا معامله اولملی .

۷۱ — جریمک ثبوتنه خادم اوراق واشیا الہ ایدلیدیکی حالده نہ صورتلہ اخذ و محافظہ ونہ کی مراسم مخصوصہ اجرا ایدیلہ جکنہ دائر اولان اصول محاکمات جزائیہ قانونینہ کی ایضاحات لازمه بعض مستطقلرجه نظردن دور طوتیلہرق یالکیز اوقیل اشیا نیک ضبط اولدینی استنطاقامہ نک برجهتندہ شرحلہ اکتفا ایتکده و صکرده دن برطوبریہ موضوعاً انتظامسز بر صورتدہ محکمہ یہ کوندر دکلری و تبلیغات مکررہ یہ قارشو بوکی اشیا یی نہ متہملہ برلکده محکمہ عائدہ سنے سوق ایتدکلری کورلمکده ومثلاً ایقاع قتل صرہ سنده کوملکنہ صچرامش ویا بجاغنه بولاشمش قان لککلری موجود اولدینی حالده محضاً تعریفات قانونیه دائرہ سنده معامله توشیقہ سی ایفا قلنامش اولسندن طولای اثنای محاکمہ دہ متہمک کندئی اشیا سی اولدینی انکار ایدلیدیکی مسبق الامثال اولدینی ومقصد اصلی اشیا ی مذکورہ نک تبدیل وتغیر و اوزرلرنده کی اثار وعلائم جرمیہ نک احصا ایدلکسزین محافظہ لری وغندالحا کہ متہم وشہودہ اولخالده اولہرق ارانہ ایدیلہ یلملری خصوصی اولوب اصول محاکمات جزائیہ قانوننک اوتوز ایکی ، اوتوز درت ، اوتوز بش ، اوتوز اثی ، یوز یکریمی سکز ، ایکوز اونجی مادہ لریلہ ۲۷ نیشان سنے ۹۷ تاریخندہ تعمیم اولنان تعلیمات مخصوصہ سنده صراحت موجود اولغلہ بعدما بواحکام قانونیه نک اصلاً نظردن دور طوتولامسی ودلائل موجودہ سائرہ قرینہ قاطعہ درجه سنده بولنادجہ همان تحلیل کی وسائط فنیہ یہ توسلدن ذہول وقوع بولامسی و برده بوکی الات واشیا اوزرلرینہ کیملرہ عائد اولدینہ دائر یافتنہ یابشدیرملی واشیا ی جرمیہ جہت عدلیہ یہ تسایم ایدلش ایسہ قرار نہایدہ یوزیکری سکزنجی مادہ اصولیہ دائرہ سنده بوندنہ دہ بحث اولمسی وشاید ناحیہ مرکز لرنده ویا ژاندارمہ وپولیس دواژندہ قالمش ایسہ ایش دائرہ استنطاقدہ ایکن کتیر تدیریلہ رک لدی الحاجہ طرفین وشہودہ اولجہ دہ ایضاح اولدینی وجہلہ ارانہ ایدلسی واشیا ی جرمیہ نک ضیاعدن محافظہ سی ایچون امانت مأمورلری نزدندہ حفظ اولنہرق طاب وقوعندہ مستطق ویا محکمہ یہ کوندرلسی وامانت مأموری بولنمیان قضا لرنده اوراق دعوانک حین ارسانندہ اشیا ی مذکورہ نک دخی قضانک مربوط اولدینی لوا ویا ولایت مرکز لرنہ کوندریلہ رک اورادہ کی مأموری نزدندہ حفظ ایتدیرلسی ومحکمہ جہ ایلدیشکلری وعلاقہ لری ختام بولدقندن صکرہ تعلیمات مخصوصہ و اوامر مبلغہ متعدده دائرہ سنده طوطخانہ یہ ارسالی لازم کلنلرک اک یقین عسکری ردیف دبویرلرنہ تسایم و صاحب لرنہ اعادہ سی لازم کلنلرک دخی آلرہ ردواعادہ سی وصائلسی مقتضی اولان قسمنکدہ اصول مخصوصہ سنے توفیقاً فروخت ایتدیرلسی لازم کایر .

۷۲ — اموال مسروقہ ویا جرمدہ استعمال ایدلش اولان آلات واسلحہ وادوات سائرہ وقانہ بولاشمش البسہ نک ظہوری احتمالدن غیرایمید بولندینی جہتلہ مشہوداً ایقاع ایدیلان برجنایتدن طولای حقندہ تحقیقات

اجرا قلنمقده اولان برمظنونک ویا اصول جزائیہ نک سکسان اوچنجی مادہ سنک تعریفاتى دائرہ سنده دیگر برشخصک خانہ سنده اثار جرمہ دلالت ایدہ جک بوقیل اوراق واشیا بولنوب بولنادینک اصولاً اکلا شلمسی مستطقک وظائفی جملہ سندن بولنمسنہ کورہ بوجہ تہ عائد اولان وظیفہ سنکدہ اکالیلہ کیفیک ضبط ویا تحری ورقہ سنے بای حال درج وتمیق خصوصندہ دقت ایدملی .

۷۳ — بعض محللردہ بلدیہ اطبایی بولنامسنہ مبنی بالضرورت رکجہ دن ماعدالسان اوزرینہ یازلش راپورلرلہ اوراق مرجعہ سوق ایدلمکده اولدینندن بعدما بویولده راپور النسی ضروری اولان محللردہ دخی تحقیقاتہ ختام ویرلندن ذات جرمی مثبت اولان بوکی بروثیقہ مهمہ نک لسان رسمی یہ ترجمہ ایتدیرلسندن ذہول اولناملی .

۷۴ — تحقیقات اجرا ایدلمکده اولان برحادثہ نک بالاخرہ تطبیق ایدیلہ جک مادہ قانونیه یہ توافق ایدہ یلمسی ایچون اثنای تحقیقاتدہ کرک متعددی عایلرندن وکرک معلومات ومشہوداتی اولانلرندن استیضاحات لازمہ دہ بولنمسی ومثلاً قانون جزانک ایکی یوز یکریمی برنجی مادہ سنے تطبیق ایدیلان برسرقت جبری جرمدہ مظنونلرک مساح اولوب اولمادکلری وجہر وشدت استعمال ایدوب ایتدکلری وجہر وشدتک ماهیتی وسلاح شہیر ویا انداختی جرائمندہ اخافہ وقتل قصدندن هانکیسنہ مقرون اولدینی میدان بداهتہ ایصال ایدہ ییلہ جک بر صورتدہ تحقیقاتک تعمیق وایقاع قتلہ مانع اولان احوالی وفحشیاتہ تحریک وقاربازلق وقانوناً درجاتی معین اقرباسندن اشیا سرقتی کی قانون جزانک ایکوز برنجی وایکیوز قرق ایکنجی وایکیوز اون التنجی مادہ لرنده محرر جرائمندہ اعتیادک تحقیق شرط اولمسنہ کورہ بوجہات بالا طراف استیضاح وتحقیق ایدیلہ رک وجرائم سائرہ تحقیقاتلرنده دہ بومنوال اوزرہ جریمک اوصاف قانونیه مترککلری نظردقنہ الہرق هیچ برجهتک نقصان قالماسنہ اعتنا ایدلسی وبعض مظنونلرک جایتلہ لزوم محاکمہ لرنہ دائر اتخا اولنان صوک قرارلرنده اوراق مینہ شقاوتنہ دائرہ ماملہ لی مذکرہ ویا استنطاقامہ دہ نتائج تدقیقاتہ مستند هیچ برقید صریح و اشارت موجود اولمادینی حالده مظنونک اشقیادن اولدینی کی عباراتک درجندن بالتوق اوراق میانندہ مدار استناد بروثیقہ بولنادجہ مقررات متخذہ یہ اویولده فقرہ لر درجندن توقی اولمسی .

۷۵ — ژاندارمہ ویا پولیس دائرہ لرنجہ تنظیم قلنمش اولان ضبط ورقہ لرنده ویا تحقیقات اولیہ دہ صراحتہ ویا تأویلاً اقرار جرم ایدن برمظنونک استنطاقدہ انکار جرم ایدلیدیکی ویا یینہ تحقیقات اولیہ صرہ سنده اخبار مادہ ایتش اولان بعض شہودک استنطاقدہ عدم معلومات بیان ایتدکلری ویا خود تحقیقات استنطاقیہ نک توسیعنہ خادم بعض احوال موجود اولدینی وبونک اوزرینہ مستطقلر اوراق ابتدائیہ موجودہ یی کوزلجہ مطالعہ ومندرجاتنہ عطف اهمیت ایتدیرک استنطاقامہ دہ بوجہتلرندن بالبحث اصلاً سوال بیلہ ترتیب ایتدکلری مسبق الامثال اولمسنہ وبو حال مستطقلرک ایفای وظیفہ امرندہ کی مبالا تیزلغی اثباتہ کافی اولوب

ضابطه عدليه صفتى حائز اولان بالعموم مأمورينك اجرا ايلديكاري تحقيقاتك نظر قانونده كي اهميتي ده دركار بولمسنه مبنى دائره استنتاجه اجرا قلنان تحقيقات صره سنده اولجده ايضاح اولنديني اوزره تحقيقات ابتدائيه واوراق موجوده يده مراجعه مله مندرجانه وقوف نام حاصل ايتدكن صكره مظنونه ايجابات تحقيقاته كوره اسئله مهمه ايراديله حقيقتى سويلندير ملي و شاهدلرده تغيير افاده صددنده بولمشلرله افادات مضبوطلريني اخطارله ايضاحات النهرق ولدى الحاجه مواجهه ايديلهرك حقيقتك تظاهرينه خادم بر صورتده تحقيقات توسيع ايدلمليدر .

٧٦ — برشاهد مستطقك بولنديني قضا خارجنده بر محله ساكن اولديني اكلاشيلير وهر حالده جلبنه لزوم مبرم قانونى بولماز ايسه بولنديني محل مستطق واسطه سيله استابه اصولنه توفيقاً افاده سنك ضبطي ايچون تعليمات ورقه سي اسطاريه اوزاق محللردن شاهدلرك كيتيرلمسنه محل براغلامايدير .

٧٧ — جنايتله مظنون اولان شخص فرارى اولوبده غياباً متهم و محكوم اولديني حالده اموال و املاك كنك قانوناً حجزى ايجاب ايدمكچندن بو قبيلدن اولانلرك عهده لرنده مقيد اموال و املاك كنك دوائر متعلقه سندن بامذ كره استفسارله معامله لي مذ كره اوراق ميانته وضع ايدلمليدر .

باش مدعى عمومى باش معاوض

مظفر

[١٥] نومرولى جريدة عدليه محتوياتى

قسم رسمى

تصنيف
نومرولى
٥٩٣

توجيهات عدليه
تبليغات عموميه

- (١) — مدعى عمومى بلرك ماهيت دعوايى بالاظراف تشرىح ايتلري لزومنه دائر ٥٩٣
- (٢) تصحيح سن حقنده كي تدقيقاتك بيلنمسنه لزوم كورلنديكي تقدريده ولايتدن اخذ معلومات ايدلمسنه دائر ٥٩٥
- (٣) اذميدك ايزميت طرزنده تحريرى لزومنه دائر ٥٩٥
- (٤) ژاندارمه لره عائد وظائف عدليه كنك صورت ايفاسنه دائر ٥٩٥
- (٥) فضاحت اسانيه مظنونيني حققرنده كي تحقيقاتده فوق العاده اتمام دقت اولتمسي لزومنه دائر ٥٩٧
- (٦) مأمورين حكومتك غزته لره نشر ياتده بولناملرينه دائر ٥٩٧
- (١) اقرار وسنده مستند اولميان مواضعه دعوالرينك استماعى جائز اولديغنه دائر ٥٩٨
- (٢) مجروحك جريحه كنك تأثيريله وفات ايدوب ايتديكنك تدقيق اقتضا ايتديكنه دائر ٦٠١
- (١) ساخته سند حاقانى استحصال واستعمالى مجازات ترهيديني مسلزم افعالدين بولديغنه دائر ٦٠٢
- (٢) بدايت محاكمى رؤسا واعضاسى ختلزنده تعقيبات قانونيه اجرا سنك مافوق محكمه لرينه عائدينه مبنى لوا بدايت محكمه سي هيئتك هيئت استينافيه صورتنده تشكلى لزومنه دائر ٦٠٣
- (٣) رضى به عائد ضبط ورقه سي اشخاص ساثره كنك امضاسنى محوى بولنديني حالده امضالري بولنان قوليلرك بالتعليف استماعلري لزومنه دائر ٦٠٥
- (٤) نواقص اصوليه تعلق ايدن اسباب فسخيه كنك محكمه بدايجه استماع اولنان شهودك تكرار جابني اسلزام ايتديرميه جكنه دائر ٦٠٧
- (٥) مدعى عمومى معاوضلرينه وكالت ايدن ذاتك مأموريت اصليله سنك تصرىحي مقتضى بولديغنه دائر ٦٠٨
- (١) معترض كلديكي تقدريده اعتراض استدعاسنك ردى اقتضا ايتديكنه دائر ٦١٠
- (٢) خيارك طول مدت طراوتى محافظه ايدر محصولاندين اولديغنه و بشيوز غروشدن دون اولان دعاوبنك رسوم تميزيه سنك تأجيل لازم كلديكنه دائر ٦١٢
- (٣) اصولنه تونيقاً اجرا قلاميان حجز معامله سنك فروخته مانع اوله مي جغه دائر ٦١٣

- (۴) ابرا زمانك شهود طرفدن بیان یدلسی لازم کلیه جگنه دائر ۶۱۵
(۵) حقوق عقدك عاقدہ راجع اولدیغه دائر ۶۱۷
(۶) املاك و بركوسك صاحب ملك طرفدن تأدیبه سی لازم كلدیكینه دائر ۶۱۸
محكمة تمیز جزا دائره سی مقرراتی — (۱) بر شخصك نشانوسیه خفیا كوروشه بیلمسی خصوصه ده گی
عادت خانه صاحبك لیلاً خانه یه كیرمك ایستیانلره قارشو
حائز اولدینی صلاحیتی اخلال ایدمه یه جگنه دائر ۶۲۰
(۲) معاينه راپورینك اعلامه درجی مقتضی اولدیغه دائر ۶۲۱

معاملات انتباهیه —

قسم غیر رسمی —

- (۱) مسئله حقوقیه مك جوابی محكمة تمیز حقوق رئیس علی حیدر بكك ۶۲۳
(۲) اسباب نقضیه « ما بعد » » اعضا سندن طلعت ۶۲۳
(۳) نقل دعوایه دائر — استیضاحه جواب » » » ۶۲۷
(۴) استئنافك صورت اجرا سته دائر قواعد اساسیه « ما بعد » باش مدعی عمومی باش معاونی مظهر » ۶۲۹

الاعلان

بولی سنجاغنه مایحق بارطین قضاسنك تکه اوکی اسکله سنده مقیم لازموفینك اوغلی سعیدی اوچیوز یکر می
بش سنه سی کانون اولنك اوچنجی پنجشنبه کونی ساعت طقوز راده لرنده عجارلر قریه سی مکتبی دروننده مارتین
قورشونیه جرح و قتل ایلدیکی ادعاسیه مهم اولوب عقیب وقعه ده فرارله ایوم وادی فرارده بولنان قضاء
مذکورك کوچکون تیمورجیلر قریه سندن لاز حاجی احمد اوغلی اسماعیل ایوم در دست ایدیه مامش اولدیغندن
اصول محاکمات جزائیه قانوننك اوچیوز یتیش برنجی ماده سی موجبنه مرقومه تاریخ اعلاندن اعتباراً جانب
ریاستدن اون کون مهل ویرلش اولمغه مدت مذکور طرفنده محکمه یه کلدیکی تقدیرده قانونه اطاعت ایتامش
نظریله باقیله رق محاکمه غیاییه سی بالاجرا حقوق مدنی دن اسقاط واموالی حیز اولنه جنی و بوبابده برکونا
دعوا اقامه سته حتی اوله میه جنی و بولندیخی محلی بیانلر خبر ویرمکه و بالجمله ضابطه عدلیه مأمورلرینك کندینی
طوتغه مجبور بولندیلری بیانیه کیفینك اعلاقی مشعر اولان اشبو قرارنامه مدعی عمومی معاونلکی
مأموریت عایه سته تقدیم قلندی .

اوچیوز یکر می درت سنه سی کانون ثانیسنك دردنجی بازار کیجه سی باق بازارنده کائن نوشهر خاندند واقع
اولوب تجارلرک قاصه لرینك حفظه مخصوص مخزنك ارسلان خانه ناظر پنجره تیمورلرینی و درونه بالدخول
صراف مارکو و اندونیادیس و شما به و نیقوله پاپا طاناشك قاصه لرینی الات مخصوصه ایله قیردرق نقود و تحویلات
وساثره یی سرقت ایتدکاری ادعاسیه مهم بك اوغانده اینه لی چشمه ده دوققور اکتوبر بدینك اپارتماننده براوطه ده
اقامت ایدن ووقعه یی متعاقب فرار ایدرك ایوم حال فرارده بولنان میکه ولد قسطنی ایله كذلك عقیب وقعه ده
قرار ایتیش اولان تبعه دولت عثمانیه دن قوجوفناکی و مانول حقلرنده اصول محاکمات جزائیه قانوننك
اوچیوز یتیش برنجی ماده سی موجبنه معامله مقتضیه ایفا و محاکمه غیاییه لری بالاجرا نیجه سنده مرقومونك
الات مخصوصه استعمالیه پنجره پارمقانی وقاصه قیردرق سرقت جرأت ایتدکاری نابت اوله رق قانون جزانك
ایکی یوز یکر منجی ماده سته توفیقاً مانول ایله قوجو فنا کیک سکزر و میکه نك ماده مذکور ایله سکزنجی ماده
قانونیه تطبیقاً اون بش سنه مدتلره کورکه قونلرینه و هراوچنك حقوق مدنی دن اسقاطلریله اموال
محجوزه لرینك اداره ایتدیرلمسینه محکمه جنایتدن حکم اولمش و اصول محاکمات جزائیه قانوننك اوچیوز یتیش
بدنجی و اوچیوز یتیش سکزنجی و اوچیوز سکسان برنجی ماده لرله مواد ساثره سی احکامنه توفیق معامله اولمش مرجعه
بیلدیرلش اولمغه مذکور اوچیوز یتیش سکزنجی ماده نك جمله احکامندن اولدینی وجهله اعلان کیفیت ایتدار قلندی .

بيوك آطهده ماريقه نام قاديننه بعض معالجات اعطاسيله اسقاط جنيته سبيت ويرديكي ادعاسيله متهم بولان و مقدما بك اوغلنده غلطه سراي آرقهسندنه آق زقاغنده آلتی نومرولو خانهده واخيراً الما طاغنده جبل زقاغنده اون بش نومرولو خانهده ساكنه ايكن فرار ايدن قرق بش ياشنده قوزغيجقلى قابله فوطى آناستاسيادي حقنده ، اصول محاكمات جزائيه قانونك ۳۷۱ نجى مادهسى موجبجه معامله مقتضيه ايضا ومحاكمه غيايهسى بالا اجرا نتيجهسندنه مزبورنهك فعل مذكوره جرأى ثابت اولهرق قانون جزانك يوز طقسان اوچنجى مادهسك فقره اخيرهسى حكمنه توفيقاً اوچ سنه مدته كوركه قونلسنه واوتوز برنجى ماده منظوقجه حقوق مدينه دن اسقاطيله اموال محجوزهسك اداره ايتديرلسنه محكمه جنايتدن حكم اولمش و اصول محاكمات جزائيه قانونك ۳۷۷ و ۳۷۸ و ۳۸۱ نجى مادهلريله مواد سائردهسى احكامنه توفيق معامله اولمشى مرجعه بيلديرلمش اولمغه مذكور ۳۷۸ نجى مادهك جمله احكامندن اولديني وجهله اعلان كيفيته ايتدار قاندى .

اوچيوز يكرمى بش سنهسى ايلونك يكرمى طقوزنجى كوني ككبوزه قضاسك داريجه ناحيهسنه مربوط ايتيكنه قريهسندنه واقع خانهسندنه مقتولاً بولان اويهنوس اوغلى اوستولك كيفيت قتلندن دولاي متهم بولان وعقيب وقعهده فرار ايدن اورته بويله سياه صاچ وقاشلى الاكوزلى بغدادى چهرملى سياه بيقل مطروش تخميناً يكرمى درت ياشنده مقتول مرقومك اوغلى خرملبو حقنده اصول محاكمات جزائيه قانونك ۳۷۱ نجى مادهسى موجبجه معامله مقتضيه ايضا ومحاكمه غيايهسى بالا اجرا نتيجهسندنه مرقومك پدرى اوستولى جرح وقتل ايلديكي ثابت اولهرق قانون جزانك يوزتمش دردننجى مادهسى حكمنه توفيقاً اون بش سنه مدته كوركه قونلسنه واوتوز برنجى ماده منظوقجه حقوق مدينه دن اسقاطيله اموال محجوزهسك اداره ايتديرلسنه محكمه جنايتدن حكم اولمش و اصول محاكمات جزائيه قانونك ۳۷۷ و ۳۷۸ و ۳۸۱ نجى مادهلريله مواد سائردهسى احكامنه توفيق معامله اولمشى مرجعه بيلديرلمش اولمغه مذكور ۳۷۸ نجى مادهك جمله احكامندن اولديني وجهله اعلان كيفيته ايتدار قاندى .

بيوك آطهده كراسته تجارتيه مشغل تئودوراكي مانيتقه واورسقى ديمبا اوغلى شركتك ۲۲ حزينان سنه ۳۲۶ تاريخندن اعتباراً اعلان افلاسنه ومصالح افلاسيهسك رؤيت وتسويهسى ضمنتده اعضاي محكمه قريمان بدروس افنديك ژور قوميسر ودعوى وكيلارندن ميخالاكي نيقولاييدي افنديك موقت سنديك تعينلرينه ومغازهسيله ديولرندهكى اموال تجاريه واشيى زائده بيهسك تمهيرينه واوراق دفاترينك جلبنه وكفالت مصدقه ارايه ايدمديكي تقديرده حبس وتوقيفنه ويوبايدهكى قرارك موقه اجراسنه تجارت بحريه محكمهسندن قرارويرلمش اولديغندن قانوننامه تجارتك يوزتمشنجى مادهسى موجبجه دائمي سندنديكلى انتخاب اولمش اوزره احباب مطلوبك اشبو بيك اوچيوزيكرمى التى سنهسى تموزينك سكرنجى پنجشنبه كوني ساعت ۶ رادهلرنده محكمهك افلاس معاملاتنه مخصوص اوطةسنه كللى لزومى اعلان اولنور .

مفلس قيودانزاده محمود بكك مديرمسؤلى بولنديغى اورته كويده ترامواى جادهسندنه كائن نوبر اقتصاد بقاليه دكاننده موجود امتعه واشيىاسك محكمهجه بالمزايده فروخته قرار ويرلمش اولمغه اشترايه طالب اولانلرك ۱ تموز سنه ۳۲۶ تاريخنه مصادف پنجشنبه كوني ساعت ۶ رادهلرنده مذكور دكاننده حاضر بولنلري اعلان اولنور .

استانبولده نوشهر خانك قابوسى اتصالنندهكى دكانده قوميسرنيحليق وبوليچهجيك تجارتيه مشغول ايكن ۴ كانون ثاني سنه ۳۲۵ تاريخنده تجارت بحريه محكمهسجه افلاسنه قرار ويرلمش اولان ليغورالفرطبولوسك عندالحاكمه اعاده اعتبارى ثابت اولسنه بناء اشبو تاريخندن اعتباراً افلاسنك رفعنه محكمهجه قرار ويرلمش اولمغه كيفيت اعلان اولنور .

مصطفى شوقى افنديك متوفى عبداللطيف افندى ذمتنده محكومبه اولان آلاجنكك تأمين استيفاسى ضمنتده محجوز وفروختى قراركير بولان چنكل قريهسندنه جامع شريف زقاغنده يدى نومرو ايله مرقم بشيوز طقوز بيقق زراع محل اوزرينه مبنى اوچ قات طقوز اوطة ودرت صوفه وايكى حولى وبرمبطخ وبرقيوى حاوى ملك برباب خانهك تمامى لى المزايده عثمانلى التونى يوز غروش حسابيله اون اوچ بيك غروشده طالبي عهدهسندنه تقرر ايدرك موقت قرارداددهسى كشيده قلنديغندن تاريخ اعلانندن اعتباراً اووتوز بركون ظرفنده لااقل يوزده بش ضميله طالب اولانلرك يوزده اون نسبتندهكى ديپوزيتو اچهلرينى مستصحباً اسكدار اجراءاردهسنه مراجعت ايتلري ومدت مذكوره ختامنده يعنى شهرتموزك يكرمى دردننجى جمعايرتسى كوني ساعت اتى رادهلرنده صوك مزايده علنيهسى اجرا وقرارداده قطعيكى كشيده قلنمق اوزره مارالذكر خانه پيشكاهنده مأمورى مواجههسندنه حاضر بولنلري دائره مذكوره دن اعلان اولنور .

شيله قصبهسك حصار محلهسى اهالييسندن وتبعه دولت عليه دن وبقال اصنافندن شرق اوغلى ديمتريك شيله قضاينه تابع بيكي كوى اشاغى محلهسى اهالييسندن وبغچوان اصنافندن قطراننجى اوغلى ياني ذمتنده باعلام محكومبه آلاجنى اولان مبالغ معلومهك تأمين اخذ واستحصالى ايجون تحت حجزه التوب بالمزايده فروختى تقرر ايدن مديون مرقومك وفات ايدن والدهسى ذخارينه خاتوندن ارثاً عهدهسنه انتقال ايلان قريه مذكوره دروننده كائن طرفلري ييناكى منزلى واوچ طرفى طريق عام ايله محدود مع مشتملات برباب خانه ده كى ربع حصهسى بوندن اقدم بالمزايده بشيوز قرق بش غروشده طالبي عهدهسندنه تقرر ايتمش اولديغندن بوندن زياده يعنى يوزده بش ضم ايله طالس اولانلرك ودها زياده معلومات آلمق ايسيتيانلرك تاريخ اعلانندن اعتباراً اووتوز بركون ظرفنده دائره اجرايه مراجعتله پي سورملري لازمكهجكى ومدت مذكورهك انقضاسنى متعاقب قرار قطعيكى كشيده قلنه جغندن آندن صكره ضم قبول اولميهجنى شيله بدايت محكمهسى اجراءاردهسندن اعلان اولنور .

عدد	
۱	چفت روزه کوبه
۱	پرلانطه یوزوک
۱	مینلی ساعت
۱	آرمه لی آلتون ساعت
۱	آلتون قوردون
۲	یاقوت یوزوک
۱	پرلانطه قراوات ایکنه سی
۱	اینجولی اوفاق ساعت
۱	قیصه آلتون قوردون
۱۰	

یا لکزر اون قلمدر

وکیل اسمریان افندینک ثابتہ خانم ذمتندہ بااعلام محکوم بہ آلاجنی اولان مبالغتک تأمین استیفاسی
ضمنندہ مرهون اولوب فروختی محکوم بولسان بالادہ محرر اون قلم مجوہراتک شہر حزرانک اوتوننجی
چهارشنبہ کونی درسعادتہ جواہر بدستانندہ بالمزایدہ فروخت اولنہ جفندن طالب اولنر یوم و محل مذکورہ
حاضر بولنملری اسکدار اجرا دائرہ سندن اعلان اولنور .

سرکہ جی اسکله سندہ ادرنہ اوتلی تحتندہ دکاندہ مقیم آشجی احمد رمضان اغانک وکیل عمومی احمد مراد
افندینک موکانک مقصدما غلطہ دہ مقیم اولوب الیوم اقامتکاهی مجہول بولنان صدقہ نیکنہ لی علی اوستہ
ذمتندہ جہت کفالتدن باندالاجنی اولان بش یحق لیرانک تحصیل حقندہ درسعادت ہدایت محکمہ سی ایکنجی
حقوق دائرہ سندہ اقامہ ایلدیکی دعوی اوزرینہ مبالغ مزبورک تحصیلہ دائر فی ۹ حزران سنہ ۳۲۶ تاریخ
وسکزیوز یتیش بش عددیلہ استحصا ایلدیکی اعلام غیابینک برقطعہ صورت مصدقہ سی محکمہ دیوانخانہ سنہ
تعلیق قلندیکی کبی تبایغ مقامنہ قائم اولمق اوزرہ اصول محاکمہ حقوقیہ قانوننک یوز قرق طقوزنجی مادہ سی
موجبجہ غرتہ لرلہ دخی اعلان کیفیت اولنور .

قبو طغانی ناحیہ سی دائرہ بلدینک پرمہ قریہ سندن کیریا کیدی قسطی اوغلی طودوری وکفیلی یورکی
ذمتلرنندہ کی اعلامہ مربوط آلہ جفنگک تأمین استیفاسی ضمنندہ بولنردن طودورا کینک تحت حجرہ آلتان بطاریہ
موقعندہ کائن طرفلری میخانلورودہ وقسطی ہجا کہ وهاجی پولیخرون اوغلی یورکی وطریق ایلہ محدود تخمیناً
ایکی دونم زیتون بغچہ سنک تاریخ اعلاندن اعتباراً اون بش کون صکرہ بالمزایدہ فروختہ تشبث اولنہ جفی
جہتلہ طالب اولنلرک مراجعت ایلملری لزومی باندرمہ اجرا دائرہ سندن اعلان اولنور .

سورکون قریہ سندن دیمتری اوغلی انسٹاشک قریہ مرقومہ لی اسپرو ولد یوردان ذمتندہ برقطعہ اعلام
موجبجہ الاجنی اولان مبالغتک تأمین استیفاسی ضمنندہ مدیون مرقومک پدنردن منتقل جولنز موقعندہ
مجبوز بریحق دونم باغی اوچیوز غروشدہ طالبی اوزرنندہ تقرر ایدوب موقت قراردہ سی کشیدہ قانمش
اولدینسندن طالب اولنلر یوزدہ بش ضمیمہ پی سورمک اوزرہ چتالہ اجرا دائرہ سنہ مراجعت ایلملری
ایکنجی دفعہ اولہرق اعلان اولنور .

باندرمہ نک درہ محلہ سندن کراستہ جی اسماعیل افندینک چنارلی محلہ سندن اوطہ جی صالح وقوجہ بچاق
اسماعیل اغالر ذمتلرنندہ کی اعلامہ مربوط آلہ جفنگک تأمین استیفاسی ضمنندہ بولنردن قوجہ بچاق اسماعیل
اغانک تحت حجرہ النان کور قیو موقعندہ کائن طرفلری شرقاً بوستانجی اوغلی غرباً طایدقلی احمد و شمالاً
طریق وجنوباً خالی مرعہ ایلہ محدود اون سکزر دونم برقطعہ ترلاسنک تاریخ اعلاندن اعتباراً اون بش کون
صکرہ بالمزایدہ فروختہ تشبث اولنہ جفی جہتلہ طالب اولانلرک مراجعت ایلملری لزومی باندرمہ اجرا
دائرہ سندن اعلان اولنور .

باغجی پراشکو اغانک بک اوغانندہ یکی شہردہ کیریاقو خانندہ مقیم باغجی میخال ذمتندہ محکوم بہ مطلوبی
اولان معلوم المقدار مبالغتک تأمین استیفاسی ضمنندہ مدیون مرقومک تحت حجرہ النان ایکی فیجی درونندہ
موجود پاموق یاغلری تاریخ اعلاندن اعتباراً اوچ کون صکرہ یعنی کلہ جک تموزک بشجی بازار ایتسی کونی
ساعت درت قرارلرنندہ قاسم پاشادہ حاجی احمد محلہ سندہ پوسکوللی خان پیشکاهندہ بالمزایدہ فروخت
ایدیلہ جکندن طالب اولانلر بدل مزایدہ نی برلکدہ الوب محال و یوم وقت مذکورہ مأمور مواجہہ سندہ حاضر
بولنملری اعلان اولنور .

صوتیری اغانک حاجہ خانم ذمتندہ محکوم بہ الہجنی اولان مبالغتک تأمین استیفاسی ضمنندہ مدیونہ
مرقومہ نک تحت حجرہ النان اشیای بیتہ سندن یدی عدد حزاران صندالیہ وایکی عدد عادی قولتیق صندالیہ
وبر عدد صغیر باقر منقال و اوچ عدد صندوق وبر عدد باقر سماور وبر عدد ال دیکش ماکنہ سی وبر عدد
ساعت قوطوسی شہری تموزک التنجی صالی کونی ساعت درت رادہ لرنندہ بشکطاشدہ کوی ایچندہ بات
بازارندہ بالمزایدہ فروخت اولنہ جفندن طالب اولنلرک بدل مزایدہ لرینی مستصحباً محل مذکورہ مأمور
مواجہہ سندہ حاضر بولنملری اعلان اولنور .

موسیو ویدونک دیمستوقلی نام دیکری صوفیکلی و برادری یورکی ماورویانی ولدان نیقولہ ذمتلرنندہ کی
محکوم بہ مطلوبینک تأمین استیفاسی ضمنندہ ایستفانوس قریہ سندہ روم کلیسای زقاغندہ قرق بر نومرولی

التمش زراع عرصه مبنی اوج اوطه یی و مطبخ و آیدناق محلی مشتمل صرف ملک بر باب خانه ده سکر سهم اعتباریله پدرلرندن ارنا متصرف اولدقلری درت سهم حصه شایعه لری لدی المزیاده بیک یدی یوز غروش التون اچیه بدل ایله داین مومی الیه عهده سنده تقرر ایددرک موقت قراردادده سی کشیده قیامش اولدیغندن تاریخ اعلاندن اعتباراً اوتوز برکون ظرفنده لاقل یوزده بش ضمیله طالب اولانلرک یوزده اون نسبتنده کی پی اچهلرینی استصحاباً بک اوغلی اجرا دائره سینه مراجعت ایملری ومدت مذ کوره نك ختامنه مصادف شهر تموزک یکریمی بشنچی بازار کونی ساعت درت بچق قرارلرنده محلنده صوک مزایده علنیه سی اجرا و قرارداد قطعی سی کشیده اولنق اوزره مذ کورخانه پیشکاهنده مأموری مواجهه سنده حاضر بولنلری دائره مذ کوره دن اعلان اولنور .

کامل افندی نك اخلیا ذمتنده محکوم به اولان مطلوبندن طولانی مدیون مرقومک عهده تصرفنده اولوب محجوز و فروختی قرارگیر بولنان قاضی قریه سنده عثمان انا محله سنك تپه زقاغنده قرق درت نومرو ایله مرقم مع اوطه بر باب نصف دکانك تاریخ اعلاندن اعتباراً اون بش کون صکره بالمزایده فروخته تثبت اولنه جغندن اشتراسه طالب اولنلرک اسکدار اجرا دائره سینه مراجعت ایملری اعلان اولنور .

قزل طوپراقده نومروسز فرونده ساکن ایکن تجارت بحریه محکمه سندن افلاسه حکم اولنمش اولان اتمکچی قسطنطین درودین ذمتنده آله جغنی اثبات ویا موقتاً قبول وقید ایتدیرمش اولان آله جقلولرک قانوننامه تجارتک ۲۱۱ و آنی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون شهر حال رومینک اون طوقوزنجی جمعه ایرتسی کونی ساعت یدی راده لرنده محکمه مذ کوره نك افلاس اوطه سینه کللری اعلان اولنور .